

A decorative border in a dark blue color, featuring intricate floral and scrollwork patterns that frame the central text.

**Recueil et
discours du
voyage du Roy
Charles IX**

Abel Jouan

[Abel Jouan](#)

Recueil et discours du voyage du Roy Charles IX

Jean Bonfons, 1566 (p. 1r-78v).

R E C V E I L E T
DISCOVRS DV VOYAGE
D V R O Y C H A R L E S I X . D E C E
nom a present regnant, accompagné des choses
dignes de memoire faictes en chacun endroit
faissant son dit voyage en les païs & prouinces de
Champaigne, Bourgoigne, Daulphiné, Prouëce,
Languedoc, Gascoigne, Baïonne, & plusieurs
autres lieux, fuyuant son retour depuis son
partement de Paris iusques à son retour audit lieu,
és anneés Mil cinq cens soixante quatre & soixante
cinq.

Faict & Recueilly par Abel Iouan l'un des seruiteurs de sa Maiefté.




A P A R I S ,
Pour Iean Bonfons Libraire, en la rue neufue
nostre Dame, à l'enfeigne S. Nicolas,
M . D . L X V I .
A V E C P R I V I L E G E D V R O Y .

COPIE DV PRIVILEGE.

C *H A R L E S , Par la grace de Dieu Roy de France, au
Preuost de Paris, ou à son lieutenant, Et autres noz Iuges,
Iusticiers, & Officiers, qu'il appartiendra, salut &
dilection. Scauoir vous faisons, Que nous inclinans
liberallemēt, à la supplication qui faicte nous a esté, en
faueur de nostre cher & biē aymé, Abel Iouan Sômier en
nostre cuisine de bouche, A Iceluy pour ces causes, &
autres à ce nous mouuans, Auons permis & octroyé, permettons &
octroyons par ces presentes, Qu'il puisse & luy loise iusques à cinq ans,*

prochainement venans, faire imprimer, par Iehan Bonfons Libraire & Imprimeur, demeurant, à Paris, mettre & exposer en vête, vn recueil & discours que icelluy Iouã a faict & dressé, de tout le voyage que auons faict depuis le partemêt de nostre ville de Paris, qui fut au mois de Iâvier 1563. Iusques, à ce present nostre retour en ladicte ville, En quoy faisât auons expressement, inhibé & defendu, inhibõs & defendõs, à tous autres Libraires & Imprimeurs, quels qu'ils foyent, qu'ils n'ayent durât ledit tẽps à Imprimer & exposer en vête ledict Recueil, sãs le consentement dudict Iouan, & congé dudict Bonfons, Sur peine d'amẽde arbitraire, & confiscatiõ de ce qui s'en trouueroit imprimé au preiudice de ceste nostre presente permission. Si vous mandons & expressement enioignons, Que de noz presens cõgé, licence & permission, & du cõtenu cy dessus, vous faictes, souffrez & laissez ledict Iouan ioyr & vser pleinement & paisiblement durât ledict temps, & selon que dict est cy dessus. Cessans & faisant cesser tous troubles & empeschemẽs au cõttaire, Car tel est notre plaisir, Non obstant quelsconques lettres, mãdemens, ou defenses à ce cõttaires. Donné à saint Mor des fosses le IX. iour de May, l'an de grace mil cinq cens soixante six & de nostre Regne le VI. Faict par le Roy en son Conseil signé de Laubespine, Et seellé du grand seal de Cire Iaune.



AV ROY MON SOVERAIN SEIGNEUR

S

I R E , l'indicible & affectionné vouloir que i'ay de vous rendre agreable l'humble seruice & deuoir que ie suis

*tenu de faire à votre Maieſté, m'a aiguillonné le deſir
d'ofer vous preſenter ce petit recueil & diſcours qu'a
faict voſtre dicte maieſté en voz pays & prouinces de
Châpaigne, Bourgongne, Dauphiné, Prouence,
Languedoc, Gaſcoigne, Bayonne, & pluſieurs autres
lieux, es années mil cing cens ſoixante quatre & ſoixante cinq, depuis voſtre
partemēt de Paris, iuſques à voſtre retour en ladicte ville : ſuppliant
treshumblement icelle voſtre maieſté receuoir mon petit labour d'heures
derobées pour acceptable, à la recommandation de voz excellentes
entreprinſes & deſſeings, & pour vn petit memoire à la poſterité, lequel
memoire ſ'il n'eſt dreſſé comme il le merite, le debuoir que ie vous doy me
pourra tenir pour excuſé : attendu que quand ie le commencay, ie n'auois
intention de le produyre en lumiere. Dieu vueille conſeruer voſtre regne &
voſtre perſonne.*

Votre humble ſubiect, ſeruiteur & domeſtique, A b e l i o v a n .

Honeſta bonis viris, non occulta quæruntur.



E R O Y apres auoir donné ordre, Et paciſié les
troubles, qui par la punition de Dieu vindrent en
France en l'an M.D.LXII. & LXIII. print enuie à ſa
Maieſté de vouloir aller veoir pluſieurs païs &

prouinces de ſd̃ Royaume, pour cognoiſtre ſes bõs & loyaulx ſubiectz, & pour ſoy dõner à cognoiſtre à eulx, lequel voyage ledict ſeigneur a accompli par la grace de Dieu, de laquelle choſe en eſt adueni vn bien ineſtimable, pour le faict de la Republique, & de l'obeiſſance de ſes ſubiectz.

Adonc ledict Seigneur voulant cõmencer ſondict voyage, partit de la ville capitale de Paris, le Lundy xxiiij. iour de Ianuier M.D.LXIII. pour aller diſner & coucher à Saint Mor des foſſez, qui eſt vn petit village & beau chaſteau qui appartient à la Royne, au deſſous duquel eſt vne abbaye de Religieux.

Pour ce iour.

ii. lieues.

Auquel lieu ledict Seigneur ſeiourna fix iours, puis partit le dimanche xxx. iour dudict mois pour aller paſſer la Riuere de Marne par deſſus le pont de Charenton, qui eſt vne bonne groſſe riuere portant batteau, qui va tomber en Seine vn peu au deſſous dudict pont.

Cedict iour le Roy alla diſner à ville neufue ſainct Georges, qui eſt vne petite ville. Puis apres diſner ledict Seigneur alla paſſer la Riuere de Seine par deſſus les pontz de Corbeil, & coucher audict lieu, qui eſt vne bonne petite ville.

Pour ce iour.

vii. lieuës.

Et le Lundy dernier iour de Ianuier ledict Seigneur alla diſner au Lys, qui eſt vne petite abbaye de Religieufes, & cedit iour coucher à Fõtainebleau, qui eſt vn village, & beau & grand Chaſteau qui appartient au Roy.

Pour ce iour.

viii. lieuës.

Auquel lieu ledict Seigneur seiourna quarante trois iours pour faire apprestier son equipage des choses qui luy estoient necessaires pour faire sondict voyage. Et fait audict lieu son Carefme prenant, auquel fut faict de beaux festins & combats, desquelz Monsieur le Connestable commença le dimanche de deuant le dimanche gras à son logis au soupper, auquel le Roy assista : Puis le Ieudy gras Monsieur le Cardinal de Bourbon fait vn beau festin au soupper à son logis, & à l'issue du soupper se fait vn beau combat à cheual en la court d'iceluy logis : Puis le Dimanche gras la Royne fait vn beau festin au dîner à vn logis qui l'appelle la Vacherie, puis à l'apref-dinee allerent prendre leur plaisir à veoir iouer vne belle Comedie en la grand salle du bal, puis le Lundy gras Monsieur d'Orleans fait vn autre beau festin à son logis au dîner, & à l'issue d'iceluy se fait vn beau combat en la court du logis de six cheualiers contre six autres, desquelz estoit capitaine Monsieur du Peron, qui maintenant *Le combat de Fontainebleau*. l'appelle Monsieur le Comte de Retz, d'un costé, & Monsieur le Comte de Ringraue d'autre costé, qui combattirent à pied l'entredardans chacun deux dards l'un apres l'autre, que ilz receuoient dessus leurs escus, Puis romperent chacun vne picque & chacun trois coups d'espee, & ainsi feirent tous les autres. Puis le Mardy gras, qui est le iour que le Roy faict ordinaiement son festin, fut dressé vn beau camp deuant la porte d'un logis qui l'appelle le Cheny, lequel fut clos de fossez & barrieres : aux deux costez d'iceluy furent dressés des Theatres pour mettre les Seigneurs & Dames. Au bout dudict camp y auoit vn Hermite à vn hermitage par ou les cheualiers entroiēt audict camp pour combattre, puis au plus pres de la porte dudict logis fut dressé vn bastiment qui fut nommé le Chasteau enchanté, La porte duquel estoit gardee par des Diables & par vn Geant & vn Nain, pour faire la repoulse aux Cheualiers qui vouloient entrer dedans : Puis se presenterent audict camp les quatre Marechaulx de France à cheual, tous habillez d'une pareure, & au dehors dudict Camp se trouuerent six compagnies d'hommes d'armes, en chacune six hommes, & estoient les compagnies de Monsieur le Prince Daulphin, & de Monsieur de Guise, & de Monsieur le Prince de Mantouë, qui maintenant est Seigneur de Neuers, & celle de Monsieur de Neuers le dernier decédé, puis celle de Monsieur de Longueuille, & du Comte de Ringraue qui toutes entrerent l'une apres l'autre dedans ledict Camp. pour seulement faire leur monstre autour d'iceluy, puis ressortirēt dehors. Puis apres entrerent six Dames habillees en Nymphes

à cheual, toutes d'une pareure, qui feirēt le tour du camp, puis l'allèrent mettre de rang deuant le Theatre auquel estoit le Roy. Entēdez que dedans ledict Chasteau enchanté y auoit six Cheualiers pour resister contre toutes les six compagnies, & combatirent pour lesdictes Dames, desquels estoit chef Mōsieur le Prince de Condé, Puis peu apres soy presenta vn des Cheualiers dehors à la porte dudict camp, & lors ledict Hermite qui estoit audict lieu cōmença à sonner sa clochette pour aduertir vn des autres Cheualiers qui estoient audict Chasteau de venir au combat, & commencerent à courir & rompre leurs lances l'un cōtre l'autre, puis se donnerent chacun trois coups d'espee, & se retirerent chacun de son costé d'ou ilz estoient venuz, & combatirent tous l'un apres l'autre de la mesme façon. Puis au soupper le Roy feit vn beau festin comme la coustume est en tel iour : Puis ledict Seigneur voyant son equipage prest pour cōmencer sondict voyage, voulut partir dudict lieu de Fontainebleau le Lundy xiiij. iour de Mars audict an apres disner, pour aller faire son entree à Moret, qui est vne petite ville, par laquelle passa sans l'arrester, & alla faire son entree & coucher à Montereau fault Yonne, qui est vne petite ville & Chasteau, auquel lieu la riuere de Yonne tombe dans Seine, & est pourquoy lon appelle fault Yonne.

Pour ce iour.

v. lieuës.

Et le Mardy xiiij. iour dudict mois, disner audict lieu, & coucher à pont sur Yonne, qui est vn village & Chasteau.

Pour ce iour.

vi. lieuës.

Et le Mercredy xv. iour dudict mois disner audict lieu, puis apres disner le Roy alla passer la Riuere de Yonne par dessus vn pōt de bois, sortant dudict lieu pour aller faire son entree & coucher à Sens, qui est vne bōne grande ville, Arceuesché, & par les rues d'icelle passe l'eau courāt qui est vne chose fort nette.

Pour ce iour.

iii. lieuës.

Et le Ieudy xvi. iour dudict mois tout le iour audict lieu.

Et le Vendredy xvij. iour dudict mois de Mars le Roy partit de Sens pour aller dîner à Pont sur Venne, qui est vne petite ville, puis apres dîner ledict Seigneur alla faire son entrée & coucher à Ville-neufue l'arceuesque, belle petite ville.

Pour ce iour.

vi. lieuës.

Auquel lieu ledict seigneur seiourna deux iours, puis partit le Mardy xxj. iour de Mars pour aller dîner à saint Liebault, qui est vn pauvre village & Chasteau, puis apres dîner ledict Seigneur alla coucher à saint Lye, qui est vn petit village & Chasteau.

Pour ce iour.

viii. lieuës.

Et le Mercredy xxij. iour dudict mois tout le iour audict lieu.

Et le Ieudy xxiiij. iour de Mars, dîner audit lieu, puis apres dîner ledict Seigneur partit pour aller faire son entrée à Troyes en Champaigne, qui est vne grande & forte ville, Euesché. Auquel lieu les habitans d'icelle luy feirent vne belle entrée. Pour ce iour.

Pour ce iour.

ii. lieuës.

Ce qui estoit escript aux quatre lieux, qui estoient separez en quatre endroitz en ladicte ville de Troyes, quant le Roy fait son entrée, Ce qui il estoit sur la porte de la ville, sur laquelle y auoit vn Charlemagne haut esleué.

*Charles, voicy vostre aieul Charlemagne,
Que la victoire, & la fame accompagne
Pour demonstrez que les faictz glorieux
Des puissantz Roys tant soient victorieux
Seruent bien peu, si leur gloire animee
Maulgré le temps ne fuit la renommee,
Et si leur nom d'aage en aage croissant
Après la mort au monde n'est viuant :
Or ce grand Roy fut vaillant en sa vie
Aussi sa mort de l'oubli n'est fuiuy,
Mais en faisant de la parque le fort :
A surmonté les siècles, & la mort.
Vous Charles Roy qui tenez sa prouince,
Vray heritier des honneurs de ce prince,
Qui tant de fois (amoureux de vertu)
A tant de fois en guerre combatu,*

*Vous ferez tel, ou ferez plus encore,
Et vostre nom depuis le sablon more
Ira aux Scites, & iusqu'ou le soleil
Ouvre les yeulx, & les ferme au sommeil,
La renommee ira de voz louenges
Remplir les cœurs des nations estranges.*

La Seconde fus lequel estoit vn
sainct Loys, environné de
toutes sortes d'armes.

*Regarde icy France victorieuse
De ses haineurs superbes glorieuse,
Que maints trophées & maintes sortes d'armes,
Et maints harnois a despoillé gédarmes,
De tous costez haultement environnent.
Ce sont les cieux qui tel hōneur luy dōnēt*

*Par la vertu qui conduit la puissance
D'un ieune Roy, du monde l'esperance :
Des autres Roys les forses furent grandes,
Ils ont foubz eux faict marcher de grands bandes :*

*Mais cestuy cy a conserué sa terre,
Et ieune d'ans avec sa mere a faict
Que l'aage d'or en France s'est refaict.*

Ce qui estoit au tiers, fus lequel
y auoit vne Pallas.

*Ceste Pallas qui l'oliue inuenta,
Et l'inventeur du cheual surmonta,
Sibelle aussi de tous euuironnée
Monstrent (O Roy) que tu as ramenée
La paix tranquille ayant de toutes partz,
Vaincu l'horreur de Bellone, & de Mars,
Et que la terre au iourd'huy recommence mais
A s'engreffer d'une heureuse semence,
Quant à la marée encores nous produict
Pour l'honorer son vaisseau plein de fruict.*

Ce qui estoit au quart, fus lequel
estoit vne grande Pyramide fus
vn grand portail.

*Tu seras nostre Hector, nous ferons tes Troyens,
Tes tres humbles subiectz, tes loyaux citoyens,
Et tes vassaux yssuz de la gent Priamide.*

*Or tout ainſi qu'on voit fermer la Pyramide
Sans iamais s'eſbrâler, nous aurons enuers toy
Vn cœur ferme & conſtant d'auoir vn ſi bon Roy.*

La paix faicte à Troye entre le Roy & les Anglois. En ce meſme lieu de Troye le Roy confirma la paix entre ſa maieſté & la Royne d'Angleterre le ſixieme iour d'Auril audict an mil cinq cēs ſoixâte & quatre, auquel lieu le Roy ſeiourna vingt & quatre iours, & y fit la feſte de Paſques, puis en partit le Dimêche ſeziefme iour d'Auril apres diſner pour aller coucher à ſainct ſepulcre, petit village.

Pour ce iour.

iii. lieuës.

Et le Lundy dixſeptiefme iour dudict moys diſna audit lieu, & coucha a Arſy ſus aulbe, beau village, & chateau.

Pour ce iour.

v. lieuës.

Le Mardy dixhuictiefme iour dudict moys diſna audit lieu. Et coucha à Poyure, petit village & chateau.

Pour ce iour.

v. lieuës.

Le Mercredy dixneufiefme iour dudict mois, diſna à Dãmartin petit village, & coucha à leſcuyrie ſur Cofne, pauure village.

Pour ce iour.

vi. lieuës.

L'entree du Roy à Challons en Champaigne. Le ieudy vingtiesme iour disna & coucha à Challons en Champaigne, bonne & forte ville, Euesché, en laquelle Le Roy fit son entrée.

Pour ce iour.

ii. lieuës.

Auquel lieu le Roy seiourna cinq iours, puis en partit le Mardy vint sixiesme iour dudit mois apres disner, Et alla coucher au May, belle petite maison.

Pour ce iour.

iii. lieuës.

Le Mercredy vingt septiesme iour dudit mois disna audict lieu, & coucha, à Vitry le François, petite ville, en laquelle le Roy fait son entrée.

Pour ce iour.

iiii. lieuës.

Auquel lieu le Roy seiourna deux iours, Puis en partit le samedi xxix. iour dudit mois, pour aller disner à Bignicourt, pauvre village, & coucher à Sermoise, grãd village qui faict le commencement des terres du pays de Lorraine.

Pour ce iour.

vi. Lieuës.

Et le Dimëche dernier iour d'Auril disna audict lieu, & coucha à Fain, beau village & chasteau.

Pour ce iour.

iii. lieuës.

Et le Lundy premier iour de May ensuyuant dīna audict lieu. Puis apres le dīner, le Roy alla faire son entrée à Barlduc, qui sont deux villes, vne basse, & vne haute, Et beau chasteau.

Pour ce iour.

i. lieuë.

Et audict lieu fut faict le Baptēme de Henry premier filz du duc de Lorraine, q̃ le Roy tint & le Comte Māffeld, pour & au nō du roy d'Espaigne, Et la mere dudict Duc de Lorraine, Et fut ledict baptēme faict le Dimanche septiesme iour dudict mois de May : Pour laquelle chose furēt faictz de fort beaux combatz & tournoys, tant à cheual à fer esmoulu, qu'à pied, aux bastillons & en salles, & Comedies iouées qui estoient fort triumpantes.

Le Roy seiourna audict lieu huict iours, puis en partit le Mercredy neufiesme iour de May apres dīner pour aller coucher à Ligny en barroys, petite ville & chasteau, auquel lieu le Roy fait son entrée.

Pour ce iour.

iii. lieuës.

Et le Mercredy dixiesme iour dudit mois alla dīner à Treueray pauvre village, & coucher à Gondricourt bō village & chasteau.

Pour ce iour.

vi. lieuës.

Et le ieudy vnziēme iour tout le iour audict lieu qui estoit le iour de l'Alcēfion. Puis le Vendredy douziēme iour dudict moys dīner à lezinuile vn village, & coucher à Rinugel petit village & chasteau fus vne haute montaigne.

Pour ce iour.

vi. lieuës.

Et le Samedy treiziesme iour dudit mois le Roy alla passer par audeffouz d'un beau & fort chasteau, qui est sur le haut d'une montaigne, qui s'appelle le mont de Clerre, duquel on salua le Roy de grande abondance d'artillerie Et l'en alla dîner à Dermã pauvre village, & coucher a Chaumont en bassigny ville forte, en laquelle le Roy fait son entrée.

Pour ce iour.

v. lieuës.

Et le dimenche quatorziesme iour dudict mois dîna à Releupont beau village.

Pour ce iour.

v. lieuës.

Et le Lundy quinzième iour dudict mois de May, dîna audit lieu, & *L'entree du Roy à Lengres.* coucha à Lëgres en Bourgongne, qui est une belle & bonne ville, grande & forte, sur une montaigne en frontiere, Euesché, de laquelle les habitâs d'icelle fortirent en armes en fort bonne ordonnance, qui estoient environ de six mil hommes, pour recevoir le Roy. Et en ce lieu fait son entrée, qui fut magnifique.

Pour ce iour.

ii. lieuës.

Et le Mardy sezième iour, tout le iour audit lieu. Le Mercredy dixseptiesme iour dîna à Lõgeau pauvre village, & coucha à Lõgfoleon grãd village & chasteau.

Pour ce iour.

v. lieuës.

Et le Ieudy dixhuictiefme iour dudict moys difna à Trichafteau grand village, & chafteau, & coucha à Ieumeau beau village.

Pour ce iour.

vi. lieuës.

Et le Vendredy dixneufiefme iour dudit mois difna au Mefnil, village & *Les ducz de Bourgongne font enterrez aux Chartreux.* chafteau, Et coucha aux Chartreux pres de Diion, qui eft vne fort belle & grande abbaye, en laquelle font enſepulturez tous les ducz de Bougõgne fort richement, qu'il faict bon veoir.

Pour ce iour.

iiii. lieuës.

Auquel lieu le Roy ſeiourna trois iours, Ce pẽdãt que l'entrẽe de Diion ſe preparoit, Et puis apres qu'elle fut preſte le Roy partit des Chartreux pour y aller faire ſon entrẽe le Lundy, vingtdeuxiefme iour dudict mois de May, qui eft vne belle, bonne, grande & forte ville, & Parlemẽt pour le pays & Duchẽ de Bourgongne. Le Roy y eftant, alla tenir ſon ſiege en ſon palais & court de parlement, comme il auoit faict en ſes autres villes de parlement. Et faifant ſon ſeiour audict lieu alla le Ieudy vîgtcinquiefme iour dudict mois, ſoupper au logis du Sieur de Tauennes, qui eft Lieutenant general au gouuernement. Et ledict Seigneur feit faire de beaux combatz à cheual, à coups de lâces, à fer eſmoulu. Apres le ſouper vn beau baſtillon, Puis le Roy retourna coucher en ſon logis qui eft le logis de Bourgongne, auquel lieu le Roy ſeiourna quatre iours. Et en partit le Samedy vingt ſeptiefme iour de may, pour aller dîner à Lõgecourt beau village & chafteau, Puis apres dîner le Roy alla paſſer la Riuiere de la Sone en batteau, qui eft fort groſſe Riuiere, Et alla coucher à Paingny beau chafteau, appartenant au Comte de Charny.

Pour ce iour.

vii. lieuës.

Auquel lieu ledict Seigneur y fait de beaux festins, Et le Roy y demeura deux iours, puis en partit le Mardy trêtiesme iour de May, pour aller passer par dedans la ville de Seure, belle petite ville, en laquelle le Roy fait son entrée en passant, & alla dîner à Sommier, sus doux, pauvre village. Puis apres dîner le Roy passa la Riuere, du Doux en bateau, qui est grosse Riuere qui va tomber dans la Sone. Ledit iour le Roy alla coucher à Affy, beau & grand village.

Pour ce iour.

iiii. lieues.

Et le Mercredy dernier iour de May, dîna à Saint Mareau, belle abbaye *L'entree du Roy à Challons sur la Sone.* de Religieux & coucha à Challons sur la Sone, belle, bonne & forte ville & chasteau, Euesché, en laquelle le Roy fait cedit iour son entrée.

Pour ce iour.

iiii. lieues.

Ladicte ville est la dernière place de Bourgogne, Auquel lieu le Roy sejourna deux jours, & y fit la feste Dieu, qui estoit le premier iour de Iuin, puis en partit le Samedi troisieme iour dudict mois, & l'embarqua sur la Sone en un beau bateau, que Messieurs de Lyon luy auoyent *L'entree du Roy à Mafcon.* enuoyé, Et alla coucher à Mafcon belle ville, Euesché, ou il fit son entrée.

Le Roy étant de sejour audict lieu, alla dîner & soupper au pont de Velle, qui est une belle petite ville en Bresse, qui appartient au Comte de Besne, puis apres souper le Roy retourna coucher à Mafcon, qui estoit le Mardy sixieme iour dudict mois.

Pour ce iour.

ii. lieues.

Auquel lieu le Roy seiourna cinq iours, puis en partit le Vēdredy neufiesme iour dudict mois, & se rembarqua en fondit batteau sur la riuere de la Sone, pour aller coucher à l'Isle, qui est vne abbaye au meillieu de ladicte riuere pres Lyon

Pour ce iour.

xi. lieues.

Et le Samedy dixiesme iour le Roy l'en reuint par eau pour aller souper à Lyon au logis de monfieur le Marechal de Vieille-ville, puis retourna coucher à l'Isle.

ii. lieues.

Le Dimenche vnziefme iour dudict mois d'ifna & soupa audict lieu, & coucha à Lyon.

i. lieuë.

Le Lundy douziesme iour, tout le iour à Lyon.

Le Mardy treiziesme iour de Iuin le Roy apres d'ifner passa la riuere de la Sone, pour aller faire son entree en ladicte ville, qui fut fort belle, qui est *L'entree du Roy à Lyon.* belle, grāde & forte ville, Arceuesché, qui est le primat de France, la riuere de la Sone passe par le meillieu de ladicte ville, & va tomber dedans le Rosne vn peu au dessoubz la ville. Le Roy seiournāt audict lieu en partit le Ieudy vingneufiesme iour de Iuin, pour aller d'ifner & souper à Beauregart belle petite maison, auquel lieu le Roy trouua son frere Monfieur d'Aniou. Cedict iour le Roy retourna coucher à Lyon.

Pour ce iour.

iiii. lieues.

Et le Ieudy quatriefme iour de Iuillet enfuyuât, le Roy alla difner à Mirebel, qui eft vn beau village & Chafteau, pres Montluet, fur le chemin de Geneue, pour aller au deuant du Duc & Duchefle de Sauoye, qui audict lieu le vindrent trouuer en fort belle compagnie, Et fen allerent tous enfemble coucher a Lyon.

Pour ce iour.

iiii. lieuës.

Le Roy faifant feiour à Lyon, alla le fixiefme iour dudict mois difner à Beauregard, & fouper au Peron, qui eft vn fort beau Chafteau, & coucher à Lyon.

Pour ce iour.

iiii. lieuës.

Auquel lieu le Roy fait la fefte de la fainct Iean Baptifte.

Et audict lieu luy fut enuoyé l'Ordre d'Angleterre, par vn grand feigneur du pays, pour renoueler l'alliance enfemble. Le Roy luy auoit pareillement enuoyé la fienne par le feigneur de Gonnor. Le Roy, feiourna audict lieu de Lyon vingt cinq iours, Durant lefquelz prenoit plaifir à l'efprouuer fur la Riuiere apres fouper, & à faire fonner les Moresques qu'il faifoit bon veoir. Audict lieu de Lyõ aduint vne fi grande mortalité de pefte, que iamais l'on veit, Puis le Roy partit de ce lieu, le Dimanche neufiefme iour de Iuillet, pour aller paffer par deffus le pont du Rofne, qui eft le commencement de Daulphiné, & alla difner au pont de Cherry pauvre village, & coucher à Cremieux, petite ville.

Pour ce iour.

vi. lieuës.

Auquel lieu le Roy feiourna sept iours, puis en partit le Dimanche feiziesme iour dudict moys, Pour aller dîner à Erioux, beau & grand village, & coucher à Septome, petite ville sur vne montaigne.

Pour ce iour.

v. lieuës.

Le Lundy dixseptiesme iour dîna à la Coste Daray, pauvre village, & coucha à Rossillon, belle petite ville & chasteau

Pour ce iour.

vii. lieuës.

Auquel lieu le Roy feiourna vingt & neuf iours, puis en partit le Mardy quinziesme iour d'Aoust enfuyuant, iour de la nostre Dame, pour aller dîner à Anlou, beau village & Chasteau, & coucher à Iarsieux, petit village & chasteau.

Pource.

iii. lieuës.

Le Mercredy feiziesme iour dudict mois dîna au Chasteau neuf, petit village, & Chasteau, & coucha à Romans, belle & bõne ville & Chasteau, En laquelle le Roy feit son entrée.

Pour ce iour.

vi. lieuës.

Auquel lieu le Roy feiourna fix iours, puis en partit le Mercredy vingt deuxiesme iour dudict moys apres dîner, pour aller passer la Riuere de Lizere, par dessus le pont, au sortir de ladicte ville de Romans, qui est vne facheuse Riuere, qui va tomber dans le Rhofne deux lieuës, au dessouz de ladicte ville. Cedit iour Le Roy alla *L'entree du Roy à Valence.* coucher à Valence, belle, bonne & grande ville, Euesché, auquel lieu le Roy feit son entrée.

Pource.

iii. lieuës.

Audict lieu le Roy seiourna douze iours, Puis en partit le Samedy deuxiesme iour de Septēbre apres souper, pour aller coucher à l'Estoille, petite ville & chasteau.

Pour ce iour.

iii. lieuës.

Auquel lieu le Roy demeura fix iours malade, & y seiourna dix iours, puis en partit le Mercredy treziesme iour dudict mois pour aller dīner & coucher, à Loriou petite ville. *Entrée. Entrée.*

ii. lieuës.

Le Ieudy quatorziesme iour dudict mois alla dīner à derbieres petit village, & coucher à Mōtlimar, belle petite ville, ou le Roy fait son entree. Auquel lieu il seiourna quatre iours, puis en partit le Mardy dixneufiesme iour de Septēbre pour aller dīner à Doufelle, petite ville & Chasteau sur vne montaigne.

Pour ce iour.

ii. lieuës.

Et le Mercredy vingtiesme iour dudict mois, le Roy alla passer par aupres de Pierre latte, qui est vne belle & forte ville, en vne plaine, & alla dīner à la Garde, petite ville, & beau Chasteau sur montaigne, ladicte maison appartient au Baron de la Garde. Cedict iour coucha à saint Paul, petite ville, qui est la derniere de Daulphiné.

Pour ce iour.

ii. lieuës.

Et le Ieudy vingtvniesme iour de Septembre, disna à Seuse, qui est vne petite ville, & beau & fort Chasteau sur montaigne, Auquel lieu fut faict le baprefme de l'vne des filles dudict *Le Baptesme de la fille du Sieur de Seuze*. Sieur de Seuze, laquelle le Roy & la Royne sa mere tindrent, & la nōmerent Charlotte Catherine, & à l'issue dudict baptesme ledict sieur, feit presenter vne fort belle collation de toutes sortes de confitures, & cedit iour le Roy alla coucher à Bollaines, belle petite ville, qui est la premiere de la Comté d'Auignon, ou le Roy feit son entree.

Pour ce iour.

iii. lieuës.

Le Vêdredy vingt-deuxiesme iour dudict mois le Roy alla passer par Montdragon, qui est vne belle petite ville & Chasteau, & alla disner à Mornas, belle petite ville & Chasteau, qui est situé sus vn hault rocher.

Et cedit iour apres que le Roy eut disné sen alla passer par aupres Dorêges, qui est vne belle & forte ville, & Chasteau. Et Cedit iour le Roy alla coucher à Quaderouffe, belle petite ville & Chasteau, ou le Roy feit son entree, & y auoit pour tout

Ce iour.

iiii. lieuës.

Le Samedy xxiii. iour de Septembre disna audict lieu & coucha au pôrt deforgnes, qui est vn beau & grâd village pres Auignon, & Chasteau.

Pour ce iour.

iii. lieuës.

Le Dimenche vingt-quatriesme iour de Seprembre disna audict lieu, & coucha à Auignon, qui est vne belle grande & forte ville, qui appartient au Pape.

L'entree du Roy à Avignõ. Le Roy y feit cedict iour son entree, qui fut fort magnifique, & alla loger au grand Palais, Puis apres qu'il fut raffreschy en son logis, l'en alla à vespre en l'Eglise de nostre Dame, ou le legat dudict lieu l'attendoit, pour le recevoir sur vn grand Theatre, qui estoit appresté deuant la porte de ladicte Eglise, & au mesme lieu donna absolution à tous ceux qui estoient presens.

Pour ce iour.

i. lieuë.

Le Roy seiournât audict lieu, feist vn si grand vent, qu'il enleuoit les pierres de la grosseur d'une noix iusques au visage des hommes. En cedict lieu le Roy feit la feste de saint Michel, & y seiourna vingt & vn iours, puis en partit le Lundy seziesme iour d'Octobre enfuyuant, pour aller passer la Riuiere *Le riuiere de la Durance est fascheuse.* de la Durance, qui estoit fort fascheuse, & va tomber dedans le Rhosne à vne lieuë au dessoubz d'Auignon, laquelle fut passée par dessus vn pont que ledict Seigneur auoit faict faire expressement de batteaux pour passer luy & son train, & en ce mesme lieu entra en son païs & Conté de Prouence, & alla dîner à Chateau regnard, petite ville & Chateau, sus vne montaigne, & coucher à saint Remy, belle petite ville, en laquelle le Roy feit son entree.

Pour ce iour.

iiii. lieuës.

Pres ladicte ville y a vne fort belle & ancienne antiquité, qui est du temps de Iules Cesar, en signe d'une bataille qu'il gagna en ce lieu, Et le Mardy dixseptiesme iour dudict mois dîna au Touret, qui est vne seule maison, & coucha à Salon de Craux en Prouence, qui est vne belle petite ville & Chateau ou le Roy feit son entree.

Pour ce iour.

v. lieuës.

Et audict pays de Prouence en toutes les villes, ou ledict Seigneur passoit, les enfans venoiēt au deuant iusques à demye lieuë hors lesdictes villes tous habillez de blanc, criant viue le Roy, & la sainte Messe, & tous les villages mesmes donnoient plaisir au Roy, & tous ceux du pays furent fort aydes de le veoir.

Et le Mercredy dixhuictiesme iour dudict mois disna & coucha à Laubés, belle petite ville, Euesché, ou le Roy fist son entree.

Pour ce iour.

iii. lieuës.

Et le Ieudy dixneufiesme iour disna à saint Iehan de la falle, qui n'est *L'entree du Roy à Aix en Prouëce.* que vne maison, & coucha à Aix en Prouence belle & grande ville, Euesché, & Parlement pour le pais de Prouence, ou le Roy fist son entree.

Pour ce iour.

iii. lieuës.

Et estant audict lieu alla tenir son siege en la Cour de Parlement le Lundy vingttroisiesme iour dudict mois, & y seiourna quatre iours, puis partit le Mardy vingt quatriesme iour dudit mois, pour aller passer vn fascheux pays de Rochers, & alla disner à Pourieres, petit village & beau Chasteau *Le corps de la Magdaleine est ensepulturé à S. Maximy* & coucher à saint Maximy, belle petite ville & belle Abbaye, en laquelle est ensepulturé le corps de la sainte Magdaleine, ou le Roy fait son entree.

Pour ce iour.

vi. lieuës.

Et le Mercredy vingt-cinquiesme dudict mois, le Roy alla passer de fort hautes & fascheuses mōtaignes pour aller dīner à la saincte Baulme, qui est vne petite Abbaye de Religieux, qui est encree au millieu d'vn Rocher fort hault, & est le lieu ou la saincte Magdaleine faisoit sa penitence.

Et apres dīner ledict Seigneur alla coucher à Bringnolles, qui est vne belle ville, ou il arriua bien tard, & estoit bien deux heures de nuict, à cause du long & fascheux chemin qu'il auoit faict, auquel lieu feist son entree le lendemain.

Pour ce iour.

viii. lieuës.

Et le Ieudy ving-sixiesme dudict mois demeura tout le iour audit lieu, pendant lequel les habitans d'icelle ville luy donnerent grand plaisir de danfes en vne belle grand place qui estoit deuant son logis, auquel lieu se trouua grande abondance de fort belles filles toutes abillees de taffetas, les vnes de vert, les autres changeant, les autres de blanc, qui danfoient à la *Les belles dāces de Bringnoles.* mode de Prouence, des dances que lon appelle la volte, & la Martingalle. Et en ladicte dāce le Roy feit presenter la collation, & durerent lesdictes dances depuis vnze heures iusques à cinq heures du soir, dont le Roy y print grand plaisir.

Et le Vendredy vingtseptiesme iour dudict moys dīna à Gareau, pauvre village, & coucha à Cueurs, qui est vne belle petite ville, auquel lieu le Roy feit son entree.

Pour ce iour.

iiii. lieuës.

Et au mesme lieu est le commencement des Orenes, & y en a grande abondance.

Et le Samedy vingthuictiesme iour dudict moys dīna à la Gallerie des souliers, qui est vn beau Chasteau, auquel y a grande abondance d'Orengers de toutes fortes. Et audit lieu Mefsieurs de Souliers (qui est vne belle petite

ville pres ledit Chasteau) apporterent leur present au Roy. Et apres disner le Roy alla coucher à Yerres belle & bonne ville, & Chasteau, fus vne haulte montaigne, ou le Roy fist son entrée cedit iour.

Pour ce iour.

iii. lieuës.

Autour d'icelle ville y a si grande *Labondâce d'Orengers qui font à Yerres.* abondance d'Orenges, & de Palmes, & Poiuriers, & autres arbres qui portent le cotton, qu'ilz sont comme forestz. Le Roy estant en ce lieu de seiour l'en alla le Lundy trentiesme iour d'Octobre disner à Briganson, qui est vn fort en la Mer, sur vn haut rocher, & est vne des gardes de la coste de Prouence tirant vers Nice, par dela ledict fort y a deux Isles qui sont fort grandes, & sont en plaine Mer, auquel lieu les Turcs descendent bien souuent, & prennent les hommes du pays qu'ilz emmenent prisonniers. Cedit iour le Roy retourna coucher à Yerres.

Pour ce iour.

vi. lieuës.

Audict lieu le Roy fait la feste de Touffaincts, & y seiourna cinq iours, puis en partit le lendemain apres disner, pour aller coucher à Toulon, qui est vne belle & bonne ville, Euesché & port de mer, qui est fort beau & grand, auquel lieu fist son entree.

Pour ce iour.

iii. lieuës.

Et le Vendredy troiesme iour de *L'entree du Roy à Toulon.* Nouembre ensuyuant audict an mil cinq cens soixante & quatre, tout le iour audict lieu de Toulon, auquel lieu le Marquis d'Elbeuf vint trouuer le Roy avecques sept galeres bien en point, dedans lesquelles le Roy l'en alla pourmener apres disner, ou il prenoit grand plaisir.

Le Samedi quatriefme iour dudict mois difna au Riolle, belle petite ville, ou il feit fon entree, & apres difner alla paffer par entre des Rochers fort haults & fafcheux, pour aller coucher à la Cadiere, belle petite ville, fus vne montaigne. Entree.

Pour ce iour.

iii. lieuës.

Le Dimanche cinquiefme iour dudict mois difna audict lieu. Et apres difner alla paffer encores de fafcheufes Roches, pour aller coucher à Aubenes, belle petite ville & Chafteau fus montaigne. Entree.

Pour ce iour.

iiii. lieuës.

Le Lundy fixiefme iour de Nouembre difna à la Baftille & iardin de Gaufet, qui eft vne fort belle petite maifon pres Marfeille, puis apres difner le Roy l'en alla mettre en vn beau theatre, qui luy auoit efté preparé pour veoir paffer les compagnies de *L'entree du Roy à Marfeille*. ladicte ville en armes, qu'il faifoit bõ veoir. Et feit cedit iour fon entree en ladicte ville de Marfeille, qui eft vne belle, grande & forte ville, Euefché & port de mer.

Pour ce iour.

iii. lieuës.

De laquelle lon tira grande quantité d'artillerie. Le Roy eftant à Marfeille le Ieudy neufiefme iour dudict mois, alla faire celebrer la Mefle en vne Galere neuue, qui nauoit encores nauigué, & fut baptifée, laquelle le Roy & la Royne fa mere la nômerent Charlotte Catherine. Ladicte Galere appartenoit au Comte de Fifque.

Le Roy fembarqua, pour aller difner à la tour d'If. Et le dixiefme iour dudict mois, le Roy fembarqua en vne Gallere appelée la Reale, accompagnée de treize autres Galleres, penfant aller difner à la tour d'If, qui eft vne forte place, vne lieuë auant en pleine mer, fur vn recher, Et en ce lieu, la tourmente fe trouua

fi fascheufe, que leſdictes Galleres ne ſceurent aborder, & les falut mettre à l'ancre contre vn autre rocher, qui eſtoit à vn quart de lieuë de là, & là le Roy diſna : puis l'en alla les mener en pleine Mer, & en fiſt faire deux Eſquadrons qu'il fiſt combattre l'un contre l'autre, Puis l'en retourna coucher à Marſeille, ou il fut tiré du port & de la ville à ſon arriuee grand nombre d'artillerie.

Pour ce iour.

ii. lieuës.

Auquel lieu il ſeiourna ſept iours, Puis en partit le Lundy trezieſme iour dudict mois pour aller diſner à la Baſtille de la Bedoulle, qui n'eſt que vne ſeule maiſon, & coucher à Marignan, belle petite ville & Chateau, ou il feit ſon entree.

Pour ce iour.

iiii. lieuës.

Et le Mardy quatorſieſme iour dudict mois diſna audict lieu, puis *Le Roy ſ'embarqua ſur l'Eſtang de Martegues.* apres diſner l'en alla embarquer ſus vn grãd eſtang de mer, qui dure bien deux lieuës de large, & quatre lieuës de longueur, & l'appelle l'Eſtang de Martegues.

Et cedit iour le Roy alla coucher à Martegues, qui ſont trois petites villes, ioignant l'une de l'autre, La premiere l'appelle Ionquieres, Celle du milieu l'Isle, & la tierce eſt Martegues, toutes ſituees en vn Mareſcage de mer, ou le Roy feit ſon entree.

Pour ce iour.

ii. lieuës.

Et le Mercredy quinzieſme iour dudict mois diſna audict lieu, puis apres diſner l'embarqua ſur ledict Eſtang pour aller coucher à ſaïct Chamant. Au ſortir dudict Eſtang, falloit paſſer par dedãs vn Rocher percé, qui a bien

trente toises de large, & alla le Roy coucher audict lieu de saint Chamant, qui est belle petite ville & Chasteau sur vne montaigne, ou il fist son entree.

Pour ce iour.

iiii. lieues.

Et le Ieudy seiziesme iour de Nouëbre disna à saint Martin, qui ne sont que deux ou trois maisons, au milieu de la pleine de Salon de Craux, qui est vne grand pleine toute couuerte de Thim, d'Isoppe, & Saulge, & dure bien huict ou dix lieues d'estenduë.

Cedict iour le Roy alla coucher à *L'entree du Roy à Arles*. Arles, qui est vne belle, bonne & grãde ville, Euesché, auquel lieu cedict iour fait son entree.

Pour ce iour.

viii. lieues.

En laquelle ville y a des antiquitez que lon appelle les Araines, que les Romains feirēt faire pour iouer leurs Comedies, en signe de leur victoire du temps qu'ils tenoient ce pays là.

Le Roy faisant seiour en icelle ville se trouua fort assiegé des grãds eaux, auquel lieu seiourna vingt & vn iour, durant lequel temps print plaisir aux dances du pays, & à faire combatre des toreaux fauages, que les hommes combatoient & faisoient tomber en terre seul à seul.

Le Roy partit de ce lieu le Ieudy septiesme iour de Decembre, ensuyuant apres dîner, pour aller faire son entree & coucher à Tarracon, qui est vne belle petite ville, & fort Chasteau situé sus vn Rocher, sur le bord du Rhosne, qui est vn gros Fleuve & fort fascheux, qui va tumber dans la mer à huict lieues au dessoubz ladicte ville de Tarracon, & viz à viz de Beauquaire, qui est vne autre ville & fort hault Chasteau de l'autre costé de ladicte Riuiere du Rhosne.

En la grand Eglise de Tarracon est ensepulturé le corps de sainte Marthe, auquel lieu le Roy fist son entree.

Pour ce iour.

iii. lieues.

S'enfuit la harangue faicte au Roy
audict lieu de Tarrafcon
à fon entree.

La harãgue faicte au Roy à Tarrafcon.

*L'or, & l'encens, la mirre d'Arabie
Qu'au Roy des Roys, les Roys vindrent offrir,
Qui du monde feit tenebres fuir
Lors qu'ariua fa venue benie,
Peu de cas est, veu ce qu'estoit besoing
A cil qu'auoit des lumieres puissance
Et qui plus est accoururent de loing
Comme subiectz monstrier obeissance :*

*Pareillement (Sire) fi en Prouence
Ou a passé ta noble maiefté,
Or ou argent, & trefors, ou cheuance
On t'a offert, liuré & présenté,
Plus que cela merite ta grandeur :
Car tu demonstre en ta ieunesse tendre
Que plus aagé, auras de Dieu tel heur
Que tu feras par tout le monde estendre
Que Tarrafcon de ta noble presence
Prent plus de bien que tu n'en pourrois prendre
Si de tous biens te donnoient abondance,
Auras à gré (Sire) la supplication
Du peuple tien, ce peuple obeissant
Tarrafconnois qui a tresgrand enuie
Voir ta couronne en ton aage croissant.*

Ce qui estoit à vn tableau sur le
portail du logis du Roy,
au mesme lieu.

D'aage croisfant, de puissance croistra,

*Et tout le rond du monde en fin tiendra
Entre ses mains, comme bien nous presage
L'aspect & traict de son Royal visaige.*

Et le Roy seiourna audict lieu de Tarrafcõ trois iours, pour faire passer tout le train de sa court, le fleuve du Rofne, qui tous passerët en batteaux, & est vn fascheux passage. Puis apres *Le Roy passa le Rofne.* que tout fut passé, le Roy se mist à passer le Lundy vnziesme iour du mois de Decembre, Et ledict iour sortit de Prouence pour entrer en Languedoc, & alla disner & faire son entree audict lieu de Beauquaire, qui est vne belle petite ville, & apres disner l'en alla coucher à Sarignac petite ville, ou il feit son entree.

Pour ce iour.

iii. lieuës.

Le Mardy douziesme iour dudict mois le Roy alla passer deffoubz vn des boutz du Pont du Gap, qui est vn *Le pont du Gap est fort antique.* Aqueduct, & pont fort antique, que les Romains feirent faire pour faire passer l'eau d'une Fontaine par deffus ledict pont, pour la faire aller en la ville de Nymes, & ledict pont est de telle haulteur qu'il y en a trois l'un sur l'autre, Les deux boutz d'icelluy prènent sur deux montaignes, & par deffoubz passe vn fascheux Torrent, Et au pied d'icelluy il y a neuf Arches, Et au secõd vnze, Et au tiers treize, & faict de fort grosses Pierres ioinctes l'une contre l'autre, & sans mortier.

Et cedict iour le Roy alla disner à sainct Priuat, qui est vn beau Chasteau pres ledict pont, Puis apres disner le sieur de Curfol feit apprestre vne belle

collation de Cōfitures au Roy, & à toute la compaignie, que des Nymphes presenterent, qui estoient cachées soubz vn grand Rocher qui est à vn des boutz dudict pont. Et cedict iour le Roy alla faire son entree *L'entree du Roy à Nymes.* & coucher à Nymes, qui est vne belle, bonne & grande ville, Euesché.

Pour ce iour.

v. lieuës.

Il y a en ladicte ville de Nymes de grandes & anciennes antiquitez, que lon appelle les Arenes, que les Romains feirent ainſi faire, pour iouer leurs comedies, Et sont faictes toutes *Amphytheatre à Nymes.* de fort grosses pieces, ioinctes l'une contre l'autre sans mortier & sont faictes en rondeur, & toutes en grâds degrez, ou le peuple l'asseoit pour veoir iouer leſdictes Comedies, & vont tousiours en eslargissant par le hault.

Et le Mardy treiziesme iour dudict mois tout le iour seiourna audit lieu de Nymes. Et le Mercredy quatorziesme iour, il vint dîner & coucher *Le diable de Vauvert.* à Vauvert, que lon appelle le diable de Vauvert, qui est vne petite ville & Chasteau.

Pour ce iour.

iii. lieuës.

Et le Ieudy quinziesme iour dudict mois dîner & coucher à Aiguesmortes, *Aiguesmortes.* qui est vne belle & forte ville en vn Mareſcage de mer, ou le Roy fait son entree, pres laquelle sont les Maretz & salins du Peccays, ou se faict le sel.

Pour ce iour.

iii. lieuës.

Et le seiziesme iour dudict mois dîner audit lieu, & alla coucher à Marfeillagues, belle petite ville, ou il fait son entree.

Pour ce iour.

iii. lieuës.

Et le Dimenche dixseptiesme iour *L'entree du Roy à Montpellier.* de Decēbre alla dīfner à fainct Brez pauure village, & coucher à Montpellier, belle & grande ville, Euesché, auquel lieu fait son entree.

Pour ce iour.

iiii. lieuës.

Le Roy estant de seiour à Montpellier, alla le Ieudy vingthuictiesme dudict mois dīfner à villeneufue, qui est vne petite ville pres le fort de Maguelone, qui est vn fort dans vn Marefcage de mer, auquel y a grande abondance de grādz Oyseaux que lon appelle des Flamās, & cedit iour le Roy retourna coucher à Montpellier.

Pour ce iour.

ii. lieuës.

Et estant audict lieu, fait crier par la ville que tous les habitans d'icelle se trouuassent à la grande Procession generale, sur peine de cent liures d'amēde, laquelle fut faicte le lendemain de Noel, & y assīsta sa Maīesté, puis la tierce ferie de ladicte feste donnerent plaisir au Roy en vn grand Carroy, qui estoit deuant son logis, d'une dāce que lon appelle la Treille, & danfoient au son des Trompetes, tenant en leurs mains des Cerceaux tous floriz, & les Danseurs tous masquez & reuestuz, qu'il faisoit bon veoir, Le Roy seiourna au dict lieu treize iours, & en partit le Samedy trētiefme iour dudict mois pour aller dīfner à Fabriques, qui est vne petite ville, & coucher à Poufent belle petite ville, ou il fait son entree.

Pour ce iour

iii. lieuës.

Et le Dimenche dernier iour de l'an mil cinq cens foixāte quatre, tout le iour audict lieu de Poufent, puis le Lundy premier iour de l'an mil cinq cens

soixante cinq, dîner audict lieu, & coucher à Florenfac, belle petite ville, ou il fait entrée.

Pour ce iour.

iiii. lieues.

Et le Mardy deuxiesme iour de Ianuier *L'entree du Roy à Agde.* dîner audict lieu, & coucher à Agde, belle & bonne ville, Euesché, ou le Roy fait entrée.

Pour ce iour.

ii. lieues.

Et le Mercredy troiesme iour dudict mois, le Roy passa la Riuere du Lerault au fortir de ladicte ville, par dessus vn pont fait de Barques, pour aller dîner à Villeneuve, qui est petite ville, pres laquelle y a vne grande Garenne toute de Regalliffiers, & peuplee de Connins qui sentêt la Rigalliffe quand on en mange.

L'entree du Roy à Beziers, & à Narbonne. Cedit iour le Roy alla faire son entrée & coucher à Beziers, qui est vne belle grand ville, Euesché.

Pour ce iour.

iii. lieues.

Et le Ieudy quatriesme iour dudict mois dîner à Nysens petite ville, & coucher à Narbonne, belle grande & forte ville, Euesché : ou le Roy fait cedit iour son entrée.

Pour ce iour.

v. lieues.

Auquel lieu fait la feste des Roys, Et y sejourna deux iours, puis en partit le Dimanche septiesme iour dudict mois pour aller faire son entrée, dîner & coucher à Sylan, belle petite ville.

Pour ce iour.

iii. lieues.

Et le Lundy huictiesme iour de Ianuier *Locquatre la derniere place de Frãce.* dñner à Locquatre, qui est vne belle forteresse, & derniere place de France, à quatre lieuës de Parpignan : Et cedit iour retourna coucher à SyJan.

Pour ce iour.

iii. lieuës.

Et le Mardy neufiesme iour dudict mois dñner audict lieu, & coucher à Narbonne.

Pour ce iour

iii. lieuës.

Et le Mercredy dixiesme iour dudict mois fut tout le iour audict lieu, Puis le Ieudy vnzieme iour alla dñner à Canet petite ville, & coucher à Mont, pauvre village & Chasteau.

Pour ce iour

iiii. lieuës.

Et le Vendredy douziesme iour *L'entree du Roy à Carcaffonne.* dudict mois dñner à Barbairen petit village, & coucher à la haulte Carcaffonne, qui est vne belle & forte ville, Euesché, ou il fait son entree.

Pour ce iour

iiii. lieuës.

Et pensoit le Roy partir le Samedy treziesme iour, qui estoit le lendemain : Mais la neige vint en si grande abondance, qu'il se trouua assiegé, tant que personne n'eust osé aller par pays, Et en tomba tant qu'elle estoit en plaine campagne de la haulteur de quatre piedz pour le moins : Et *Le Roy assiegé des neiges.* en fut ainsi assiegé en ce lieu dix iours durât. Pendant lesquels le Roy

prenoit plaisir à vn Bastillon qu'il fait faire tout de neige en la court de son logis, Lequel fait deffendre par ceulx de sa maison, contre tous ceulx des deux villes, haulte & basse Carcassõne, qui ne le sceurēt iamais prēdre, & se retirerent bien battuz. Puis fait faire deux bandes de ceulx de sa maison, l'une pour le garder, qui estoient tous ceulx de ses gardes, & l'autre pour l'affaillir, qui estoient Pages & Laquais, duquel l'affault dura bien deux heures, & le gaignerent. Puis apres q̃ le Roy veit que les neiges se fondoyent, partit de la haulte ville de Carcassonne le Lundy xxij. iour de Decembre apres dīner, pour aller faire son entree en la basse ville, qui est vne belle ville & forte, en laquelle il seiourna trois iours, puis en partit le Vendredy vingt-sixiesme iour dudict mois pour aller dīner à Arzāt, petite ville, & coucher à Mōtreal, belle petite ville, en laquelle il fait son entree.

Pour ce iour

iii. lieuës.

Et le Samedy vingt-septiesme iour dudict mois dīner à Proille, qui est vne Abbaye de Religieuses, & coucher à Villaspic, petite ville & Chasteau.

Pour ce iour

iii. lieuës.

Le Dimenche vingt huictiesme iour dudit mois dīner à Ferratz, qui est vn beau Chasteau, & Barõnye, appartenant au Seigneur de Malras, & audict lieu fait vn beau festin, & vn bastillon qui estoit gardé de bien soixante soldars, qui incontinent fut pris, par ce qu'ils n'auoyent pas leuē leur pont leuis. Cedit iour le Roy alla coucher à Castelnauerry, qui est belle & bonne ville, ou le Roy fait son entree.

Pour ce iour

ii. lieuës.

Et le Lundy ving-neufiesme iour dudict mois tout le iour le Roy fut audict lieu, pendant lequel les habitans de la ville donnerent plaisir au Roy d'une

dance qu'on appelle la Martingalle, souz les halles de ladicte ville. Et Puis le Mardy trentiesme iour dudict mois, dîner à Vingnonet, qui est belle petite ville, ou le Roy fait entree, Et alla passer par Ville franche, qui est vne belle petite ville, ou il fait entree, Et alla coucher à Ville-nouvelle, autre petite ville, & belles maisons, ou il fait entree.

Pour ce iour

iiii. lieues.

.

Le Mercredy dernier iour de Ianuier, mil cinq cens soixante cinq, le Roy dîna audict lieu, Puis apres l'en alla passer & faire son entree à Bazieges & à Mongifcart, qui sont deux petites villes, & alla ledict iour coucher à Thoulouse, qui est vne belle, grande & forte ville, Archeuesché, & Parlement, pour le pays de Languedoc.

Pour ce iour.

iiii. lieues.

Et le Ieudy premier jour de Feurier, le Roy alla dîner aux Minimes *L'entree du Roy à Thoulouse* dudict lieu, qui sont hors la ville, puis apres dîner l'en vint en vn beau Theatre, qui auoit expressement esté fait veoir passer les compagnies, entre lesquelles y auoit vne compagnie de sept à huict cens gentilzhômes du pays, qui estoient tous armez, & à cheval, en fort bon equipage. Et apres que tout fut passé, le Roy alla faire son entree en ladicte ville, qui fut fort triomphante, qui estoit la vigile de la Chandeleur.

Le Roy estant de sejour audict lieu, le Ieudy huictiesme iour dudict mois apres auoir fait quelque nombre de Cheualiers de son ordre, partit de son logis apres dîner, pour aller en grand magnificence, tenir son siege en son Palais & Court de Parlement dudict lieu, comme il auoit fait aux autres. Puis les Capitoulx d'icelle ville presenterent vn beau festin au Roy en la maison de ladicte ville le Mardy vingtiesme iour dudict mois de Feurier.

Et le Dimanche quatriesme iour de Mars, le Roy alla passer la Riuiere de la Garonne en bateau, pour aller dîner à saint Michel, qui est vn fort beau

petit Chasteau, & dependant de l'Arceuesché de Toulouse, puis apres dîner
l'en retourna coucher en son logis de Toulouse.

Pour ce iour

ii. lieuës.

Audict lieu le Roy fait son Carefmeprenant, auquel iour fut faict le mariage
du Marquis d'Alis, & de ma Damoiselle de Curton.

S'enfuit ce que difoyent les Masques
au Roy, luy presentant les armes,
& pilliers de Iustice.

Mars le Dieu des batailles, baille les armes au Roy.

*Souillé de fangles armes i'en apporte
Pour de rechef la France renuerfer,
Et en son fein mille bandes dresse :*

*Je ne veux pas pour la rēdre moins forte,
La pieté, & Iustice que porte
Toy ieune Roy, ains ton Royaume cher
Soubz toy fera tout l'vniuers pencher,
Le chef vaincu apres la guerre morte :
Donc en bon heur (Prince ou le ciel aßēble
Tous ses trefors, & ses graces ensemble
Recoy en don les armes de ton Mars
Afin que tost armé de son audace
Victorieux les baignes dans la trace
Au sang du Turq, & de tous ses soldatz.*

Et le Dimãche dixhuictiesme iour de Mars, le Roy feist faire la processïon faire generale en ladicte ville, en laquelle *Le Roy fait faire la processïon generale.* il affïsta, & y auoit de grandes richesses, puis ayant seiourné audict lieu quarante six iours, en partit le Lundy dixneufiesme iour dudict mois de Mars, pour aller dïner à sainct Iorry, qui est vn petit village & Chasteau, & coucher à Fronton beau village & Chasteau.

Pour ce iour

iiii. lieuës.

Et le Mercredy vingtiesme iour *L'entree du Roy à Montauban.* dudict mois dïner à Clau, qui n'est qu'un petit Chasteau, puis apres dïner alla passer la Riuier du Tart, par dessus vn pont de pierre, pour entrer en la ville de Montauban, qui est vne belle, & forte ville, Euesché, ou le Roy fait entree.

Pour ce iour

iii. lieuës.

De laquelle ville le Roy fait demanteler & rompre les fortifications au mois de Feurier & Mars, audict an mil cinq cens soixante & cinq.

Et le Mercredy vingt & vniesme dudict mois dïna à la Bastide del Tempe, qui est vn pauvre village, puis apres dïner l'en alla passer la Riuier du Tart, par dessus vn pont de boys tout couuert, pour aller faire son entree, & coucher à Moifac, qui est vne belle petite ville, entrant au pays d'Agènes.

Pour ce iour

iiii. lieuës.

Le Ieudy vingt-deuxiesme iour, le Roy alla dïner à Pontuy, qui est vn petit village & Chasteau, puis apres dïner alla faire son entree à Ballence en passant, qui est vne petite ville, & coucher à la Magesterre, qui ne sont que trois pauvres maisons sur le bord de la Garonne.

Pour ce iour

iiii. lieuës.

Le Vendredy vingt-troisiesme iour *Le Roy s'embarqua sur la Garonne* dudict mois, le Roy s'embarqua en vn beau batteau que les Capitoulx de Toulouse luy firent faire pour aller dîner à la Fosse, qui est vn beau Chasteau, & puis s'en reuint sur l'eau *L'entree du Roy à Agen en Agenès.* pour aller faire son entree à Agen en Agenès, qui est vne belle ville, bonne & grande, & Euesché.

Pour ce iour

iii. lieues.

Le Roy seiourna audict lieu le Dimanche vingt-cinquiesme iour de Mars, auquel iour fut faict le Baptisme de l'une des filles du Sieur de Montluc, que le Roy & la Royne tindrent, & madame de Guyse, & la nommerent Charlotte Catherine.

Le Roy seiourna audict lieu d'Agen trois iours, puis s'embarqua en sondict batteau le Mercredy vingt-septiesme iour dudict mois, pour aller faire son entree, & dîner au port sainte Marie, qui est vne petite ville, sur le bord de ladicte Riuere, puis apres dîner s'en reuint en sondict batteau pour aller faire son entree & coucher à Eguillon, petite ville & Chasteau, ou il feit son entree.

Pour ce iour

iii. lieues.

Et le Mercredy vingt-huictiesme iour dudict mois dîna audict lieu, puis apres dîner le Roy s'embarqua en son batteau pour aller faire son entree à Marmande, qui est vne belle petite ville.

Pour ce iour

iii. lieues.

Et le Ieudy vingt-neufiesme iour dudict mois dîna audict lieu, puis s'en reuint en son batteau, pour aller faire son entree & coucher à la Reolle, qui est vne belle ville, diuisee en trois.

Pour ce iour

iii. lieuës.

Et le Vendredy trentiesme iour dudict mois, tout le iour audict lieu. Le Samedy dernier iour dudict mois, dîna encores audict lieu, puis l'embarqua pour aller coucher à Quadillac, petite ville & beau Chasteau, qui appartient au Seigneur de Candalles.

Pour ce iour

iiii. lieuës.

Le Roy à Bordeaux. Le Dimanche premier iour d'Auril enfuyant dîna audict lieu, puis apres dîner sembarqua sus ladicte Garonne pour aller coucher à Bordeaux, bonne, grande & forte ville, ou port de mer, Euesché, & Parlement pour la Guyenne.

Pour ce iour

v. lieuës.

Et le Lundy deuxiesme iour dudict mois, tout le iour dudict lieu.

Le Mardy troiesme iour alla dîner & coucher à Toars, qui est vn petit Chasteau à vne lieuë de ladicte ville, auquel lieu le Roy seiourna six iours, pendant lesquels l'entree de ladicte ville de Bordeaux se preparoit, Et quant elle fut presté le Roy partit de Toartz, Le Lundy neufiesme iour dudict mois d'Auril, pour aller dîner à Frands, qui est vne belle petite maison, & apres dîner l'en alla embarquer sur la Garonne, en vn batteau q̃ les Maires & Juratz de ladicte ville luy enuoyerēt : Et l'en alla descendre au deffoubz du Chasteau Trompette, qui est vn fort Chasteau, qui faict le coing de la ville, sur le bord du port, Et alla le Roy descendre à vn beau Theatre, que ladicte ville auoit faict faire pour veoir passer les compagnies d'icelle, entre lesquelles y auoit grād nombre de sauages de toutes sortes, & grand nōbre de Nauires, qui feirent bien leur deuoir de tirer leur artillerie. Et apres que toutes lesdictes cōpagnies furent passees, le Roy mōta à cheual pour aller

faire son entree en icelle *Entree du Roy à Bordeaux.* ville, qui fut fort magnifique,
Et alla loger à l'Euesché.

Pour ce iour

ii. lieuës.

Le Roy estant audict lieu, partit de son logis le Ieudy douziesme iour dudict mois apres disner, pour aller en grande magnificence tenir son siege en son Palais & Court de Parlement dudict lieu, comme il auoit faict es autres lieux.

Le Mercredy dixhuictiesme dudict mois, le Prince de Parme, & le Conte d'Aiguemont qui alloyent en poste en Flandres, vindrent trouuer audict lieu la Maiesté, ou elle les receut honorablemēt. Le Roy feit audit lieu la feste de Pasques, qui estoit le vingt-deuxiesme iour d'Auril, & feit seiour audict lieu vingt & trois iours, puis en partit pour prendre son chemin de Bayonne le Ieudy troisieme iour de May ensuyuant, & aller disner à Montplaisir, qui n'est qu'une feule maison, & coucher à Castres, pauvre village & Chasteau.

Pour ce iour

iii. lieuës.

Et le Vendredy quatriesme iour dudict mois disner & coucher à Lengon, belle petite ville & Chasteau, sur le bord de la Garonne.

Pour ce iour

iiii. lieuës.

Le Samedy cinquiesme iour dudict mois le Roy alla faire son entree, & disner & coucher à Bazas, qui est une bonne ville & Euesché.

Pour ce iour

ii. lieuës.

Le Dimanche sixiesme iour dudict mois, seiourna tout le iour audict lieu, durant lequel ceulx de la ville dōnerent plaisir au Roy de faire combatre des Thoreaux en vne grande place, que des hommes combatroiēt avec de grandz esguillons. Puis le Lundy septiesme iour, le Roy alla passer la riuere du Sirron par dessus vn pont de pierre, qui l'appelle le pont de Boullas, & est le lieu qui fait la separation de France, & des terres de Nauarre. Cedit iour le Roy alla disner & coucher à Captieux, qui est vne petite ville au commencement des landes de Bordeaux.

Pour ce iour

ii. lieuës.

Le Mardy huictiesme iour dudict *Le Roy aux landes de Bordeaux.* mois le Roy commença à entrer es landes dudict Bordeaux, pour aller disner à la Trauerse, qui ne sont que deux maisons au milieu desdictes lādes, & coucher à Roquehort, petite ville, ou le Roy fait cedit iour entree.

Pour ce iour

iiii. lieuës.

Le Mercredy neufiesme iour dudict mois le Roy continua son chemin esdictes landes, pour aller faire son entree, & disner & coucher au Mont de Marsen, qui est belle ville & Chasteau.

Pour ce iour

iii. lieuës.

Auquel lieu le Roy seiourna quinze iours, puis en partit le leudy vingt-quatriesme iour dudict mois, pour continuer son chemin esdictes landes, & alla disner à Millac, petite ville, & coucher à Tartas, qui sont deux petites villes, entre lesquelles passe la Douue, qui est belle petite Riuere, portant batteaux, qui vont tomber dans le Fleuve du Gaue à deux lieuës au dessus de Bayonne.

En icelle ville de Tartas, le Roy fait cedit iour son entree.

iiii. lieuës.

Auquel lieu seiourna trois iours, puis en partit le Lundy vingthuictiesme iour dudict mois, pour aller disner à Pouton, qui est vn beau village, puis apres disner sortit desdictes landes, pour aller passer la Douue, par dessus vn pont de pierre pour faire son entree à Dax, qui est vne belle & *L'entrée du Roy à Dax.* forte ville, Euesché, en laquelle y a des baings les plus beaux que lon peult veoir, qui rendent fort grande abondance d'eau toute bouillante.

Pour ce iour

iiii. lieuës.

Et le Mardy vingt-deuxiesme iour dudict mois de May, Le Roy alla disner à Saubuse, qui est vn pauvre village sur le bord de la Douue, Puis apres disner l'embarqua sur ladicte riuere, pour aller coucher à Bayonne, qui est vne grande, forte & derniere ville de France, & Chasteau, Euesché.

Pour ce iour

vii. lieuës.

Et le Dimanche troifiesme iour de Iuin, le Roy l'embarqua sur le fleuve du Gaue, qui passe au pied de ladicte ville, en vn bateau, que messieurs d'icelle luy feirent faire, & alla disner à la Houffe, vne petite abbaye cachee *Le Roy à Bayonne* en vn boys, Et apres disner l'en reuint en son bateau descendre au bout du pont, en vn beau theatre qui auoit esté faict pour veoir passer les compagnies de ladicte ville de Bayonne, toutes en armes & bon equipage. Et apres que tout fut passé, le Roy feit son entree, qui fut fort belle. *L'entrée du Roy à Bayōne.*

Pour ce iour

ii. lieuës.

S'enfuit ce qui estoit escrit en quatre tableaux, qui estoient separez en quatre endroicts le iour de ladicte entree.

Ce qui estoit sur le portail de la
ville, ou ladicte ville estoit
pourtraicte.

*Du hault des cieux iadis ie fuz esleuë
Pour aux Gaullois rendre fidelité :
Donc, O mon Roy, tiltre de non pollué
Iusques icy sans fleschir ay porté :
Maintz portz marins soubz mes droictz ay dompté,
Et bien qu'encor Tetis me tienne ancree,
Ores ie tombe, & penche d'un costé
Sans le support de vostre main sacree :
Vostre grandeur outrepasse les vndes
De l'Océan, & me peult exceller
Le hault succés de vos graces fecondes
Sur Macedon desirons exceller.*

Ce qui estoit au bout du
second pont.

*Entrez, entrez, ô Charles de Vallois,
Roy excellent, plein de magnificence,
Icy le peuple est mis deffoubz vos loix,
Reçoit soulas voyant vostre presence.*

Ce qui estoit à un portail en la ville,
auquel ladicte ville estoit pour-
traicte, & un Mars ayant
les deux pieds sur
deux colonnes.

*Vn Mars guerrier icy iadis tenoit
En son pouuoir les Colonnes Alcides,
Et plusieurs ports soubz sa force obtenoit,
Bayonne, alors opulente en subfides,
Roy excellent, Mars, Cefar, & Achilles,
En loz Chrestien ores vous surpassez,
Et vostre esprit en graces tant fertilles
Monstre vos faicts de vertu compassez.*

Ce qui estoit sur vn portail pres le logis du Roy, auquel estoit pourtraicte la Royne & ses six enfans, a la dextre estoit le Roy, puis Monsieur d'Aniou, & Monsieur d'Alençon à la fenestre, & estoit la Royne d'Espaigne, puis ma Dame de Lorraine, & Madame Marguerite.

*C'est à l'entour de Royale couronne
Que le iardin Esperien floronne :
Ce sont les fruicts de Sibelle feconde
Qui aujourd'huy ne trouue sa seconde :
Ce sont rameaux vigoureux & puissans
Ce sont fleurons en vertu verdissans,
Royne sans pair, de grace decoree
Vous surmontez Pallas, & Cuharee*

S'ensuit vn autre Epigramme, qui fut
mis à la porte d'Espaigne, quand
ladicte Royne d'Espaigne feit
son entree en ladicte ville.

*Elizabeth de Roy fille excellente,
Vous auez ioinct vn iour deux Rois puissans,
Frâce, & l'Espaigne, en gloire permanête
Extolleront vos aages triomphans :
Oncques ne fut plus belle la venue
Du clair Soleil, apres l'obscure nuict
Que vostre grace en vertu maintenue
Qui en paix a le fort de Mars reduict.*

*Mōsieur d'Orleãs s'en va au deuât de la Royne d'Espagne. Le Roy faifant seiour à
Boyonne, Monsieur d'Orleans son frere le laiffa audict lieu, le Samedi
neufiesme iour de Iuin, pour aller en poste, accompagné de grands
Seigneurs qui estoient tous habillez de ses liurees, au deuant de la Royne
d'Espaigne leur seur, iusques a dix lieuës dans Espaigne pres Thoulouzette :
Le Roy fait audict lieu la feste de Pentecouste, auquel lieu se trouua si
grande abondance de peuple, & principalement d'Espagnols qui festoyët
amassez pour se faire toucher, qu'en passant vne porte se presserent tant, qu'il
l'en estouffa bien vingtcinq ou trente. *Il festouffa des gës en presse.* Le Roy fait aussi
audict lieu les festes de Trinité, la feste Dieu, & la saint Iean Baptiste. Et
partit dudict lieu de Bayonne. Le Mardy douziesme iour de Iuin apres
disner, pour aller coucher à saint Iean de Luz, qui est vn fort beau village,
port de mer, lequel auoit esté brullé par les Espagnols, en l'an mil cinq cens
cinquante sept, beau lieu de plaisir, sur le bord de la grand mer.*

Pour ce iour

iii. lieuës.

Et le Mercredy treziesme iour, tout le iour audict lieu, pendant lequel fait
mettre vne galeace en mer, qui fut baptisee, & la nomma la Caroline, & le
Ieudy quatorziesme iour de Iuin partir dudict lieu de saint Ieã de Luz apres
disner, avec la Royne sa mere, qui estoient bien accompagnez des Princes &
grands Seigneurs de France, pour aller receuoir la Royne d'Espaigne iusques
au dernier *Receptiõ de la royne d'Espagne.* pas de son Royaume, à vn lieu appellé
Endaye ou Boyuie, auquel y a vne petite Riuiere qui faict la separation de

Frâce & d'Espaigne, le tout pres Fontarabie, qui est vne belle & forte ville, appartenant au Roy d'Espaigne par force. Et audict lieu le Roy mena son Regiment qu'il a tousiours mené avecques luy en tout ce voyage, qui estoient dix compagnies de gens de pied, desquelles estoit Coronnel le Seigneur Stroffe. En sondit voyage menoit aussi avecques luy quatre compagnies d'hommes d'armes, & vne de cheualx legers. En ce mesme lieu de Boyuie, le Roy mena lesdictes compagnies, desquelles en mourut cinq ou six qui estoient en leurs armes, à cause de la grande chaleur qu'il faisoit, & si n'auoyent que deux lieux à faire. Et audict lieu le Roy fait faire vne belle feuillée sur le bord de ladicte Riuere, en laquelle fait apprester vne fort belle & riche collation de Iambons de Magence, & langues de Bœuf, Seruelat, Pastes de toutes sortes de Fruicts, Salades, confitures, & grande abondance de bon vin. Audict lieu le Roy attendit la Roynie d'Espaigne, qui dîna à vn village qui l'appelle Airon, qui est dela l'eau. Et puis apres qu'elle eut dîné, commença à descendre la mōtaine pour venir trouuer le Roy, accompagné de bien trois cens Archers à cheual, de la garde du Roy son mary & vne enseigne de gens de pied, qui tous vindrēt sur le bord de l'eau. Et quand les soldats François les veirent, commencerent à faire de magnifiques escopetteries, & alors que le Roy la vit sur le bord de l'eau, l'embarqua pour l'aller receuoir au milieu la ladicte Riuere, laquelle avec grande careſse entra au batteau du Roy, & tous l'en vindrent raffreschir sous ladicte feuillée, auquel lieu furent bien vne heure, pendant tabourins, trōpettes, hault-bois sonnoient en grande melodie de toutes pars, puis quand ils furent prests à partir, le Roy feist presenter vne belle Hacquenee blanche à la Roynie sa seur, & l'en vindrent tous ensemble à saint Iean de Luz.

Pour ce iour

iiii. lieux.

Ladicte Roynie d'Espaigne estoit accompagnee du Duc d'Albe, lequel apporta l'ordre que le Roy d'Espaigne enuoyoit au Roy, qui est la Thoison d'or, laquelle le Roy porta le jour de la feste Dieu à vespres, & estoit assis avec ladicte Roynie le Duc de Saulne, & le Duc de Iafzars, & le Comte de Beneuente, l'Arceuesque de Pampelune, & la Cōteſſe d'Araigne, laquelle seruoit ladicte Roynie de bailler à boyre : car elle n'est seruite à table que de Dames.

Le Vendredy quinziesme iour de Iuin, le Roy laissa à saint Iean de Luz la Royne sa Mere, Monsieur son Frere, avec toute la troupe Espaignolle, & l'en alla dîner à Bayonne, pour faire apprester l'entree de la Royne sa seur, laquelle partit dudict lieu apres dîner pour venir se raffreschir à vne belle fueillee, qui est à vn iardin hors la ville, qui l'appelle Paradis, auquel lieu luy fut presentee vne collation telle comme la fufdite, puis au sortir de ce lieu, ladicte Royne d'Espagne monta sur vne belle Hacquenee blanche, de laquelle le harnois estoit prisé à quatre cens mil ducatz, qui est celle mesme que le Roy son mary luy donna quand il la reçeut : Et cedict iour ladicte Royne alla faire son entree en ladicte ville de Bayonne, laquelle fut si longue qu'il fallut auoir des flambeaux & torches, par ce qu'il estoit bien neuf heures du soir quand elle entra en icelle.

Pour ce iour

iii. lieuës.

Et audict lieu le Roy tint maison ouuerte aux Espaignolz de toutes choses. Au mesme temps vint vne embassade du Turcq, pour demander au Roy vn port de mer en Prouence pour raffreschir leur armée, au cas qu'ilz ne prinssent la place de Malte qu'ilz tenoient assiegee. Et le Lundy dixhuictiesme iour dudict mois, le Roy alla dîner à saint Bernard, qui est vne petite Abbaye de femmes, auquel lieu il receut ledict ambassade, puis retourna coucher à Bayõne. Et le Samedy vingttroisiesme iour dudict mois le Roy l'embarqua apres dîner avec la troupe Espaignolle, pour aller soupper en l'Isle Daifguemeau, qui est vne Isle ou il n'y a pas vne maison. Et pour ceste cause la Royne y fist faire vne belle fueillee, qui cousta vn grãd denier, Et vn festin au souper, auq̃l les grãds Seigneurs & Dames portoiẽt la viande, & estoient habillez en bergers & bergeres, Puis apres souper, qui estoit la vigile saint Iehan Baptiste, l'embarquerent pour aller veoir le plaisir du feu de la Iouannee, qui fut magnifiquement faict au milieu du fleuve de Gaue, Et y auoit tout du long de ladicte riuere des Balenes, Daulphins, Tortues, Sereines toutes contrefaictes en artifice de feu, qui fut vn grãd plaisir. Et l'arrestèrent tant à veoir ledict plaisir qu'il estoit bien deux heures apres minuict quand ilz furent retirez en leurs logis à Bayonne.

Pour ce iour

ii. lieuës.

Tournon de Bayōne. En ladicte ville, le Roy feit preparer vn beau & grand champ, pour faire le tournoy, alencontre duquel y auoit de beaux theatres pour mettre les Dames & Damoiselles, & aux deux boutz d'icelluy y auoit vn grand portail, pour faire entrer les compagnies, lequel fut ouuert le Lundy vingtcinquiesme iour dudict mois, dans lequel y auoit enuiron vingt-cinq maistres de Camp à cheual, l'espee nue au poing, tous habillez d'une pareure, qui estoit de toille d'or lesquelz estoient les Princes & grandz seigneurs, Et audict combat n'auoit que deux compagnies, qui estoient celle du Roy, & de Monsieur son frere, Et en chascune compagnie n'auoit que huict hommes d'armes, bien en point, avec leurs Coustilles. dont la compagnie du Roy commença, Et entra vn beau, grand & riche Chariot triumphal, tout reuestu de toille d'or, lequel cheminoit dans les nues, Et estoit mené avec quatre belles Hacquenees blanches, au plus hault d'iceluy estoit la deesse Venus, tenant son Brandon de feu, & au plus bas estoient des ieunes enfans habillez en Mercurus chantans, & en faisant le tour du camp, la Deesse enuoyoit d'Eschauffault en Eschauffault par les Mercurus, les faueurs de celuy pour qui estoit ledict Chariot, aux Dames & Damoiselles, tant d'Espagne que de France, puis quand ledict chariot eut faict le tour du camp, se retira à vn des boutz d'icelluy, puis entra l'autre chariot du costé de Monsieur, tout de mesme l'autre, fors les couleurs, qui estoient differentes aux autres : Car ilz estoient reuestuz de toille d'argent, au hault duquel, estoit Cupido le Dieu d'Amours, avec autres Mercurus, qui tous alloient chantans, & en faisant le tour du Camp, enuoyoyent pareillement aux Dames & Damoiselles, les faueurs de celuy à qui estoit ledit Chariot, Puis ayant faict le tour dudict Camp, se retira à vn des boutz, pour faire entrer les susdictes compagnies, desquelles celle du Roy entra la premiere, fort bien en point, Et celle de Monsieur de l'autre costé, lesquelles le Roy & Monsieur conduisoient en armes, & se combattirent à l'espee seulement. Et dura ledict combat bien trois heures, A l'issue d'iceluy, l'on feit tirer grāde quantité d'artillerie & feuz artificielz.

Les autres iours prenoient plaisir à faire autres cōbatz en falle, & à faire iouer Comedies. La Royne d'Espagne demeura dixsept iours à Bayōne, & le Roy y demeura trēte trois iours, puis en partirent tous ensemble, le Lundy

deuxiesme iour de Iuillet enfuyuant apres disner, pour aller coucher à Saint Iehan de Luz.

Pour ce iour

iii. lieuës.

Et le Mardy troiesme iour dudict *La Royne d'Espaigne hors de France.* mois disna audict lieu, puis apres disner, le Roy & tous les Espagnolz partirent ensemble pour aller reconduire ladicte Royne d'Espaigne, iusques au mesme lieu qu'ilz l'auoient receuë, duquel lieu le Roy l'en retourna coucher à Saint Iehan de Luz, à quatre lieuës, Et la Royne sa mere passa la riuere pour aller coucher avec la Royne sa fille au village de Heron, duquel lieu l'en retourna le lendemain apres disner coucher à Saint Iehan de Luz. Et Monsieur d'Orleans retourna conduire ladicte Royne d'Espaigne, iusques à Sergoufe, qui est vne ville quinze lieuës en Espaigne, duquel lieu il fut de retour à Saint Iehan de Luz ou le Roy l'attendoit, le dixneufiesme iour dudict mois, Et y seiourna huict iours, pendant lesquels print plaisir à se faire pourmener à la grand Mer avec des Barques, & à veoir dancer les filles à *Les filles du pays sont toutes tondues.* la mode de Basque, qui sont toutes tondues, celles qui ne sont point mariees, & ont toutes chacun vn tabourin, faict en maniere de Crible, auquel y a force sonnettes, & dansent vne dance qu'ilz appellent les Canadelles, & l'autre le Bendel.

Et le Mercredy vnziesme iour de Iuillet, le Roy partit de Saint Iehan de Luz, pour aller disner & soupper à Bierry, qui est vn beau village, sur le bord de la mer, auquel lieu lon prend les Balenes, puis apres souper le Roy alla coucher à Bayonne.

Pour ce iour

iii. lieuës.

Et le Ieudy douziesme iour dudict mois, le Roy l'embarqua au sortir de Bayonne, sur le fleuve de Gaue, pour venir disner à Hurt, qui ne sont que deux maisons, sur le bord de ladicte Riuere, puis apres disner se remist en son batteau pour aller coucher à Bidach, qui est vn beau village & Chasteau

Il mourut des personnes de chault. en Byart, appartenant au Sieur de Grammont, & cedict iour faisoit fi grãd chault qu'il mourut plusieurs personnes, & cheuaux, à cause de la chaleur, & du long & fascheux chemin.

Pour ce iour

vi. lieuës.

Et le Vendredy treziesme iour dudict mois disner & soupper audict lieu, puis apres soupper le Roy alla coucher à Perrehorade, qui est vne petite ville & Chasteau.

Pour ce iour

i. lieuë.

Et le Samedy quatorziesme iour dudict mois disner & coucher à Dax.

Pour ce iour

iiii. lieuës.

Auquel lieu le Roy seiourna trois iours, puis en partit le Mardy dixseptiesme iour dudict mois pour venir disner & coucher à Tartas.

Pour ce iour

iiii. lieuës.

Et le Mercredy dixhuictiesme iour du mois de Iuillet, disner & coucher au mont de Marfan.

Pour ce iour

iiii. lieuës.

Auquel lieu les Seigneurs des Cantons *L'alliance des Suiffes.* de Suiffes attendoient le Roy, pour renouveler la bonne alliance, laquelle fut faicte

audict lieu, auquel le Roy leur fait de beaux festins, & y sejourna cinq iours, puis en partit le Lundy vingt-troiesme iour dudict mois, pour aller dîner & coucher à Cazaire, qui est vne belle petite ville.

Audict tēps faisoit si grand chauld, que le Roy estoit contrainct de cheminer la nuict.

Pour ce iour iii. lieuës.

Et le Mardy vingt-quatriesme iour dudict mois, dîner & coucher à Noghero petite ville, en laquelle le Roy fait son entree.

Pour ce iour iii. lieuës.

Et le Mercredy vingt-cinquiesme iour dudict mois, alla dîner & coucher à Yauze, qui est vne petite ville, en laquelle le Roy fait entree.

Pour ce iour ii. lieuës.

Et le Ieudy vingt-sixiesme iour dudict mois dîner & coucher à Môt Real, petite ville en Gascongne, assise sus vne haulte montaigne, auquel lieu le Roy fait entree.

Pour ce iour ii. lieuës.

Le Vendredy vingt-septiesme dudict *L'entree du Roy à Condon en Gascongne.* mois le Roy partit de Môt-Real, pour aller faire son entree, dîner & coucher à Condon, qui est vne belle, grande & forte ville & Euesché.

Pour ce iour ii. lieuës.

Et le Samedy vingt huictiesme iour dudict mois de Iuillet, le Roy partit de Condon pour aller faire son entree, dîner & coucher à Nerac, qui est vne belle ville & Chasteau appartenant à la Royne de Nauarre.

Pour ce iour

iii. lieuës.

Auquel lieu le Roy feiourna quatre iours, duquel lieu partit le Mercredy premier iour d'Aoult, pour aller dîner & coucher à Bufet, petite ville & Chasteau, fus montaigne.

Pour ce iour

ii. lieuës.

Et le Ieudy deuxiesme iour dudict mois, le Roy alla passer la Riuere de la Garonne en batteau, pour aller entrer au pays d'Agenois, & alla faire son entree, dîner & coucher à Thonintz, qui sont trois petites villes ioingnans l'une l'autre.

Pour ce iour

ii. lieuës.

Et le Vendredy troisiemesme iour dudict mois, dîner & coucher à Verteuil petite ville.

Pour ce iour

ii. lieuës.

Et le Samedy quatriemesme iour dudict mois d'Aoult dîner & coucher à Lofun, petite ville & beau Chasteau.

Pour ce iour

iii. lieuës.

Auquel lieu fut faict le baptesme de la fille d'une des filles du Sieur de Lofun : laquelle le Roy & la Royne sa mere tindrent, & ma Damoiselle du Lude, & la nommerent Charlotte *Le baptesme d'une fille.* Catherine. Et estoit le Dimanche cinquiesme iour dudict mois. Et le Roy seiourna audict lieu quatre iours, puis en partit le Mercredy huictiesme iour dudict mois, pour aller passer la riuere de la Dordonne par dessus vn pont de bois, tout couuert de belle toille blanche, & en passant ledict pont, fait son entree, dîna & souppa à Bergerac, qui est vne belle & bõne petite ville, & premiere ville de Perigort.

Pour ce iour

iiii. lieuës.

Le Ieudy neufiesme iour dudict mois dîner & coucher à Laugat, qui est vn petit Chasteau dans vn boys.

Pour ce iour

iiii. lieuës.

Et le Vendredy dixiesme iour dudict mois, le Roy alla en passant faire son entree à Menfiden, qui est vne belle petite ville. Au sortir d'icelle passa la riuere de l'Isle, & alla dîner & coucher à Ribera, qui est vn beau & grand village & Chasteau, sur montaigne.

Pour ce iour

iiii. lieuës.

Et le Samedy vnziesme iour dudict mois dîner & coucher à Rochebeaucourt petite ville & beau Chasteau.

Pour ce iour

iiii. lieuës.

Et le Dimanche douziesme tout le iour audict lieu.

Le Lundy treziesme iour d'Aouſt, *L'entree du Roy à Angoulefme.* dîner à la Tour Garnier, qui eſt vne belle maiſon pres Angoulefme, puis apres dîner le Roy alla faire ſon entree en ladicte ville d'Angoulefme, qui eſt vne belle grande & forte ville, Eueſché, & Chateau.

Pour ce iour

iiii. lieuës.

Et le Ieudy feiziesme iour dudict mois Le Roy alla dîner à la Thouure, qui eſt vn village & Chateau, auquel lieu y a grande abondance de fontaines : abyſmes deſquelles lon ne *Les fontaines & abyſmes de la Thouure* peult trouuer le fondz. Et d'icelles fort ſi grande abondance d'eau, que dés le meſme lieu ſe fait vne groſſe Riuiere qui ſappelle la Thouure, & va tōber en la Charente, deux lieuës au deſſoubz, laquelle eſt toute couuerte de Cignes, bordee d'Eſcreuiſſes, & paeue de Truittes les meilleures que lon ſçauroit menger, & y a des gardes pour les garder cōme aux foreſtz du Roy.

Audict lieu le Roy fait faire vne fueillee ſur le bord deſdictes fontaines, en laquelle il dīna, pour en dīnant auoir le plaifir de veoir peſcher des Truittes à des hommes qui en prenoient grande abondance, & ſe fait amener deuant luy bien huict ou neuf vingts Cignes tout en vne troupe, puis le Roy ſ'en retourna coucher audict lieu d'Angoulefme.

Pour ce iour

ii. lieuës.

Auquel lieu ſeiourna quatre iours, puis en partit le Samedy dix-huictiesme iour dudict mois pour aller faire ſon entree, & dîner à Chateaufneuf, qui eſt vne belle petite ville & fort Chateau, puis apres dîner le Roy alla paſſer la Charente en bateau, pour aller coucher à Iarnac, petite ville & Chateau.

Pour ce iour

iiii. lieuës.

Auquel lieu le Roy feiourna deux iours, puis en partit le Mardy vingt *L'entree du Roy à Coignac* & vniesme iour d'Aoult pour aller passer la Charente en batteau, & alla faire son entree, dîner & coucher à Coignac, qui est vne petite ville & beau Chasteau, qui est de la maison d'Angoulesme.

Pour ce iour

ii. lieuës.

Et le Samedy vingt-cinquiesme iour d'Aoult, dîner à Lonza, qui n'est qu'un petit village, appartenant au Compte Rimgrau, puis l'en retourna coucher à Coignac.

Pour ce iour

iiii. lieuës.

Auquel lieu de Coignac, le Roy feiourna vnze iours, puis en partit le Samedy premier iour de Septembre ensuyuant, pour aller dîner au Port Chauueau, qui ne sont que deux ou trois maisons, qui sont le commencement du pays de Xaintonge. Et cedit iour le Roy alla passer la Charente, par dessus un pont, au bout duquel y a deux grâdes Arches, fort hautes, & antiques, qui sont du temps que les Romains tenoient ce pays, & l'appelle la tour de Montrubel. Au sortir d'celuy, le Roy fait son entree *L'entree du Roy à Xaintes*. à Xaintes, qui est vne belle ville, & Euesché.

Pour ce iour

v. lieuës.

Et de l'autre costé d'icelle ville y a de grandes & anciennes antiquitez, qui l'appellent les ars, tout de mesme celles qui sont à Nymes.

Et le Dimanche deuxiesme iour dudict mois, feiourna tout le iour audict lieu de Xaintes.

Le Lundy troiesme iour dudict mois alla dîner à Cormoreau petit village, & apres dîner le Roy alla passer par le Mesnil, & par saint Iust, qui sont

deux beaux villages, à vne lieuë l'un de l'autre, desquels les habitans, qui font tous mariniers, vindrent en bon equipage, tous habillez de velours de couleur, ayant les enseignes desployees, & force artillerie, pour receuoir & faire honneur au Roy. Et alla cedit iour coucher à Marennes, qui est vn beau & grand village, auquel les habitans d'iceluy vindrent aussi en fort belle ordonnance pour receuoir le Roy. Et y fait son entree comme en vne ville.

Pour ce iour

vii. lieuës.

A l'entour de cedit lieu de Marennes y a bien l'espace de vingt-cinq ou trente lieuës de Salines, les plus belles que lon peult veoir au mōde.

Par dela ledict lieu y a des Illes, entre lesquelles y en a vne qui est fort belle, & a dix lieuës de long, & sept de large, ou il y a vne belle ville & fort Chasteau, le tout vne lieuë auant en pleine Mer, & l'appelle l'Isle D'oleron.

Et le Mardy quatriesme iour dudict mois de Septembre le Roy ne bougea des Marennes, pēdant lequel les habitans tant dudict lieu que des villages circonuoisins l'assemblerent tous en fort belle ordonnance, qui estoient bien de six à sept mille hommes, qui tous vindrent passer par deuant le logis du Roy, auquelz le Roy print plaisir.

Et le Mercredy cinquiesme iour dudict mois le Roy partit de Marennes pour aller dīner & veoir vn beau port de mer, auquel lieu lon a faict vne nouuelle ville qui l'appelle le Broage, ausquels lieux l'amasserent tous les habitā tant dudict lieu que des villages circōuoisins en fort belle ordonnance, & tirerent d'artillerie des vaisseaux qui estoient dedans ledict *Les hommes du lieu en belle ordōnance.* port, qui en ne prenant pas garde à eux tuerent deux hommes, & en blefferent quelques autres.

Et puis apres dīner les Mariniers donnerent plaisir au Roy d'un combat des vaisseaux contre vaisseaux sur la mer que en ce faisant bruslerent vne de leurs Nauires, & apres le Roy l'en retourna coucher à Marennes.

Pour ce iour

ii. lieuës.

Et le Ieudy sixiesme iour dudict mois de Septembre tout le iour audict lieu, pendant lequel l'assembla bien huict ou neuf cens personnes à l'Eglise dudict lieu pour soy confesser & faire leurs Pasques. Laquelle chose ne pouuoient faire, le Roy estant absent, à cause que les principaux du lieu estoient de la Religion pretendue reformee, que nous appellons Huguenotz. Plus ce mesme iour *il fut baptizé des enfãs en grand nombre.* fut baptizé pareillement grand nombre d'enfans desquels il y en auoit de si grâds qu'ils respõdoient au prestre en les baptizant, Le Roy assîsta a la plus grand part, & en fait nommer de son nom, aussi la Royne & Madame.

Le Vendredy septiesme iour dudict mois alla dîner à Cormoran & coucher à Xainctes.

Pour ce iour

vii. lieuës.

Et le Samedy huictiesme iour dudict mois tout le iour audict lieu de Xainctes, & le Dimanche, le l'endemain pareillement, lequel iour le Roy fait faire la grande processîon generale, à laquelle il assîsta, puis le Lundy dixiesme iour de Septembre dîner à Brisembourg petit village & Chasteau, puis apres dîner le Roy alla passer la riuere de la Boutonne, aux faulxbourgs de saint Iehã D'angely, & la passa par dessus vn pont de bois, nouuellement fait, Et alla faire son entree & coucher en ladicte ville de saint Iehan D'angely, qui est vne belle & bonne ville.

Pour ce iour

v. lieuës.

Le Mardy vnzième iour dudict mois tout le iour audict lieu de faïct Iehan.

Et le Mercredy douzième iour dudict mois dîner à Parenfes, qui est vn pauvre village & Chasteau, & coucher à Surgeres, autre beau village & fort

Chafteau.

Pour ce iour

v. lieuës.

Et le Ieudy treziefme iour dudict mois, difner à la Iarrie, qui eft vn beau & grand village, & coucher à vne petite Abbaye, qui eft aux faulxbourgs de la Rochelle.

Pour ce iour

v. lieuës.

Le Vendredy quatorziefme iour dudict mois de Septembre, difner audict lieu, puis apres difner l'alla mettre à vn theatre qui luy auoit efté appresté deuant la porte de ladicte Abbaye, pour veoir passer en armes les compagnies de ladicte ville de la Rochelle, qui estoient en grãd nombre & bon equipage : Quant ils furēt tous passez, le Roy alla faire son entree *L'entree du Roy à la Rochelle.* en ladicte ville, qui est vne belle & forte ville, & port de mer, alentour de laquelle y a grand nōbre de fort belles vignes & des salines.

S'enfuyt ce qui estoit en vn tableau sur le portail du logis du Roy en ladicte ville de la Rochelle.

*Les Rocheloys chantent l'heur immobile
D'une Chrestienne & notable Sybille,
Qui par prudence ordonne vn si grãd bien
Au Roy Gaullois, qu'au champ Elisien*

*Au sein de paix ores il se repose
Et à ses voix son peuple se dispose.*

Le Roy seiourna en ladicte ville de la Rochelle trois iours, puis en partit le Mardy dixhuictiesme iour dudict mois pour aller dîner à Benon, qui est vn pauvre village & Chasteau, & coucher à Mozé beau & grand village, & Chasteau.

Pour ce iour

vii. lieuës.

Le Mercredy dixneufiesme iour dudict mois, dîner à Fontenay le Battu, qui est vn petit village & Chasteau, & le commencement du pays de Poictou.

Cedict iour coucher à Nyort, qui *L'entree du Roy à Nyort.* est vne belle & bonne ville, premiere ville de Poictou, en laquelle le Roy fait cedict iour son entree.

Pour ce iour

iiii. lieuës.

Le Ieudy vingtiesme iour dudict mois, dîner à Echeroé pauvre village, au sortir duquel le Roy passa la riuere de la Seure par dessus vn pont de pierre, nouvellement fait, Et alla coucher à Chantdenier, qui est vn beau & grand village.

Pour ce iour

iiii. lieuës.

Et le Vendredy vingt & vniesme dudict mois dîner à Baubare, qui n'est que vne petite mestairie, puis apres dîner alla passer par deuant Parthenay, qui est vne belle ville sur montaigne, Et alla coucher à la Rochefaton, qui n'est qu'un petit Chasteau.

Pour ce iour

vii. lieuës.

Le Samedy vingt & deuxiesme iour dudict mois, dîner à Heruaut, qui est belle petite ville, & coucher à Oueron petit village & beau Chasteau, qui est à Monfieur de Boifi.

Pour ce iour

v. lieuës.

Le Roy seiourna deux iours audict lieu d'Oueron, & en partit le Mardy vingtcinquiesme iour dudict mois de Septēbre, pour aller faire son entrée & dîner à Touarts, qui est vne belle petite ville & chasteau, appartenant au seigneur de la Tremoille, lequel enuoya au deuant du Roy iusques à vne demie lieuë hors la ville bien huict ou neuf cens Grifons, qui sont les Poiteuins, c'est à dire les bonnes gens des champs du païs, qui estoient ses subiects. Le Roy alla dîner au chasteau du seigneur de la Trimoille, auquel il fait vn beau festin, puis apres dîner fut faict le Baptisme de la fille dudict seigneur de la Trimoille, laquelle le Roy & la Royne sa mere, nommerent Charlotte Catherine, A l'issue du Baptisme fut presentee vne belle collation de toutes fortes de confitures, puis le Roy l'en retourna coucher à Ouerō.

Pour ce iour

iiii. lieuës.

Auquel lieu seiourna trois iours, pendant lesquels prenoit plaisir aux dances que lon appelle les Branles de Poictou, puis en partit le Mercredy vingt-sixiesme dudict mois de Septembre, apres dîner, pour aller faire son entree & coucher à Loudun, qui est vne belle ville & chasteau.

Pour ce iour

iii. lieuës.

Le Ieudy vingt-septiesme iour dudict mois dîner à Seaulx, qui est vn pauvre village, & coucher à Champigny, qui est vn beau village & beau Chasteau, qui appartient à monfieur de Montpensier.

Pour ce iour

iiii. lieuës.

Auquel lieu le Roy feiourna trois iours, pour faire la feste de sainct Michel,
Puis en partit le Lundy premier iour Doctobre enfuyuant audict an, mil cinq
cens soixante cinq, pour aller dîner à Marfé qui est vn petit village &
Chasteau, & coucher à Chauigny, qui est vn fort beau Chasteau.

Pour ce iour

v. lieues.

Le Mardy deuxiesme iour dudict mois, dîna audict lieu & coucha à
Fronteuaux, qui est vn beau village, & belle grande Abbaye de Religieuses,
la principale Abbaye des Religieuses de France.

Pour ce iour

ii. lieuës.

Le Mercredy troiesme iour dudict mois, dîna & coucha à Brezé, qui est vn
fort beau petit Chasteau, auquel lieu ledict Seigneur de Brezé tint cedict iour
maison ouuerte à tous venans.

Pour ce iour

ii. lieuës.

Le Ieudy quatriesme iour dudict mois dîna à Doué, qui est vn beau & grand
village, & coucher à Martigny Bryant petit village & Chasteau.

Pour ce iour

v. lieuës.

Le Vendredy cinquiesme iour dudict mois dîner à Alëson, qui est vn pauvre
village & petit Chasteau, & coucher à Briffac, grand village & beau

Chasteau, situé sus vn Rocher.

Pour ce iour

iii. lieuës.

Le lendemain sixiesme iour dudict mois dîner audict lieu de Brissac, & coucher à Gonnor, beau village & Chasteau.

Pour ce iour

iiii. lieuës.

Et le Dimanche septiesme iour, tout le iour audict lieu.

Le Lundy huictiesme iour dudict mois dîner à Chemilly, petite ville, & coucher à Iallays, grand village.

Pour ce iour

iiii. lieuës.

Le Mardy neufiesme iour dudict mois d'Octobre, le Roy alla dîner *La mort du Prince de la Roche fu rion.* à Beaupreau, qui est vn village & Chasteau, auquel estoit fort malade feu Monsieur le Prince de la Roche Suryon, lequel deceda le lendemain. Et pour ceste cause de maladie, le Roy ne voulut pas dîner audict chasteau, & alla dîner à vne grande salle triumphale, laquelle auoit esté expressement apprestee dedans le parc, y pësant faire de beaux festins, puis apres dîner le Roy alla coucher à la Regrepiere, qui est vne belle petite Abbaye de Religieuses.

Pour ce iour

v. lieuës.

Et le Mercredy dixiesme iour dudict mois, dîner audict lieu, & coucher au Loron Bottreau, petite ville & Chasteau, lequel fait la separation d'Aniou, & de Bretagne.

Pour ce iour

iii. lieuës.

Et le Ieudy vnziefme iour dudict mois, le Roy alla passer la riuere de Loyre en batteau au port de la Chebiette, & alla dîner à Thoret, qui est vn beau petit Chasteau, puis apres dîner alla prendre son chemin tout du long des grands prairies de Nantes, qui sont fort belles, & alla coucher en ladicte ville de Nantes, qui est bõne & forte ville & Chasteau, port de Mer, & Euesché.

Pour ce iour

iii. lieuës.

Le Vendredy douziefme iour du *L'entree du Roy à Nantes en Bretagne.* mois d'Octobre le Roy partit de son logis du Chasteau, pour aller dîner la Fosse, qui est aux faulx-bourgs de ladicte ville sur le bord du port, Et apres dîner l'en alla mettre en vn beau Theatre qui luy auoit esté préparé au mesme lieu, pour veoir passer en armes les compagnies de la ville, qu'il faisoit bon veoir. Et apres que tout fut passé, monta à cheual pour aller faire son entree en ladicte ville, qui fut fort belle, En laquelle ville seiourna trois iours pendant lesquels print plaisir aux dances que lon appelle le Trihory de Bretagne, & les guidelles, & le passepied, & le guillore, & puis partit dudict lieu de Nantes le Lundy quinziefme iour dudict mois d'Octobre, pour aller dîner à la Gallochette, qui n'est qu'une maison seule, & coucher au Chasteau de Ioué, qui est vn seul Chasteau.

Pour ce iour

vi. lieuës.

Et le Mardy seziefme iour dudict mois, dîner à Maidon, qui est vn pauvre village, & coucher à Chasteaubriand, qui est vne petite ville & Chasteau, appartenant à monsieur le Connestable.

Pour ce iour

iiii. lieuës.

Et le Roy estant de seiour audict lieu de Chasteaubriand, luy vindrēt nouuelles le Samedy vingtiesme iour dudict mois d'Octobre, que les Turcs auoyent quitté le siege de Malte, qu'ils tindrent assiegée enuiron quatre mois, & l'estoyent retirez avec grand perte de leurs gens, iusques au nombre de trentehuict mille hōmes, desquelles nouuelles le Roy fut si ioyeux, qu'il en fait faire le feu de ioye.

Le Dimanche ensuyuant, vingt & vniesme iour dudict mois d'Octobre, mil cinq cens soixante cinq, le Roy seiourna audict lieu dixhuict iours, & y fait la feste de la Toussaincts, puis en partit le Samedy troiesme iour de Nouembre ensuyuant, pour aller dīner au Bourg delbret, qui est vn pauvre village, & coucher à la Motte, qui est vn petit Chateau en vn bois.

Pour ce iour

iii. lieuës.

Et le Dimanche quatriesme iour dudict mois dīner à Candé, qui est vn beau & grand village, & coucher au Lorou, qui est vn petit village.

Pour ce iour

v. lieuës.

Le Lundy cinquiesme iour dīna à la Touche aux Asnes, qui ne sont que deux petites maisons, Et coucher à Angers, qui est vne belle, grāde, bonne ville & fort Chateau, Euesché.

Pour ce iour

iiii. lieuës.

Et le Mardy sixiesme iour le Roy partit de son logis du Chateau d'Angers, pour aller dīner à l'Abbaye Saint Nicolas, qui est aux faulxbourgs de la ville, puis apres dīner l'alla mettre en vn beau Theatre, qui luy auoit esté

preparé pres la porte de la ville, pour veoir passer les compaignies, *L'entree du Roy à Angers.* puis apres fait son entree en ladicte ville, qui fut fort belle.

Pour ce iour

i. lieuë.

Et le Mercredy septiesme iour dudict mois disna audict lieu d'Angers, & coucha au Verger, qui est vn fort beau Chasteau, qui appartient au sieur de Guymenay.

Pour ce iour

iiii. lieuës.

Et le Ieudy huictiesme iour dudict mois tout le iour audict lieu du Verger.

Et le Vendredy neufiesme iour dudict mois disner à Lezigny, qui est vn pauvre village, puis apres disner le Roy alla passer la riuere de Loire par dessus le pont Durtal, & coucha audict lieu, qui est vn beau & gros village, & Chasteau, qui appartient au sieur de Vieille ville.

Pour ce iour

iii. lieuës.

Auquel lieu le Roy seiourna deux iours, puis en partit le Lundy douziesme iour dudict mois, pour aller disner à Gerzé, qui est vn beau petit village & beau Chasteau, & coucher à Baugé qui est vne belle petite ville & Chasteau, ou le Roy fait cedit iour son entrée.

Pour ce iour

iiii. lieuës.

Et le Mardy xiiij. iour dudict mois disna à Môtliherné, qui est vn beau village, & coucha à la ville aux Fouriers, qui n'est qu'un petit Chasteau.

Pour ce iour

iiii. lieuës.

Et le Mercredy quatorziesme dudict mois, dīna & coucha à Bourgueil, qui est vn beau gros village, & belle abbaye de religieux.

Pour ce iour

iii. lieuës.

Auquel lieu le Roy seiourna cinq iours, puis en partit le dixneufiesme dudict mois de Nouëbre, pour aller dīner à Ingrande, qui est vn petit village, qui fait la separation du pays d'Aniou & de Touraine, Et cedit iour coucher à Lēgés, qui est vn beau gros village & Chasteau, duquel les habitans du lieu vindrent au deuant du Roy iusques à demie lieuë hors dudict village, ayans tous chacun vn petit botteau de paille en leur main, qui est vn certain deuoir qu'ils doiuent au Roy la premiere fois qu'il y va. Et cedit iour coucha audict lieu de Lengés.

Pour ce iour

iiii. lieuës.

Le Mardy vingtiesme iour dudict mois dīner a Mailly, qui est vn bon village & Chasteau, allīs sur montaigne & Rocher, puis apres dīner le Roy alla passer la Riuiere de Loire en batteau audict lieu, pour aller coucher au Plellīs lēz Tours, qui est vn beau Chasteau à vne demie lieuë de Tours.

Pour ce iour

v. lieuës.

Et le Mercredy vingt & vniesme iour dudict mois de Nouëbre, dīner audict lieu, puis apres dīner le Roy monta à Cheual, pour l'aller mettre à vn beau Theatre, qui luy auoit esté preparé aux faulx-bourgs de la ville, pour veoir passer les compagnies d'icelle qu'il faisoit bon veoir. Et quād *L'entree du Roy à Tours.* tout fut passé, le Roy alla faire son entree en icelle ville, qui est belle, bōne & grande, Archeuesché, & alla descendre à sainct Gatien, qui est l'Eglise cathedrale de la ville, puis l'en retourna coucher audict Plellīs.

Pour ce iour

i. lieuë.

Auquel lieu le Roy feiourna vnze iours, puis en partit le Samedy premier iour de Decembre ensuyuant, pour aller dîner à la Bourdoiziere, qui est vn beau Chasteau, & coucher à Chenonceau, qui est vn autre beau Chasteau de plaisir, qui appartient à la Royne, situé sur la Riuere du Chef.

Pour ce iour

viii. lieuës.

Auquel lieu le Roy feiourna trois iours, puis en partit le Mercredy cinquiesme iour de Decembre, pour aller passer par Amboise, qui est vne belle petite ville, & fort Chasteau. Au sortir d'icelle le Roy passa la Riuere de Loire par dessus les pontz dudict lieu, & alla dîner à Ecures, qui ne sont que deux ou trois tauernes, sur le bord de ladicte riuere, & ledict iour coucher à Bloys, qui est vne belle ville & Chasteau, au Diocese de Chartres.

Pour ce iour

xii. lieuës.

Auquel lieu le Roy feiourna huict iours, & puis in partit le Vendredy quatorziesme iour dudict mois apres dîner, pour aller passer la riuere de Loire par dessus les pontz de ladicte ville, Et prindrent le chemin de Bourbonnoys, Et cedict iour le Roy alla coucher à Cheuerny, qui est vn petit village & Chasteau.

Pour ce iour

iii. lieuës.

Et le Samedy quinziesme iour dudict mois dîner à Mur, qui est vn petit village, & coucher à Remorentin, qui est vne belle petite ville & Chasteau.

Pour ce iour

vii. lieuës.

Et le Dimanche seiziesme iour dudict mois dîner à Menetou, qui est vne petite ville, & coucher à Viarrõ, qui est vne autre belle petite ville & Chasteau.

Pour ce iour

viii. lieuës.

Et le Lundy dixseptiesme iour dudict mois dîner audict lieu, & coucher à Meun sur Yeure, qui est vne petite ville & Chasteau.

Pour ce iour

viii. lieuës.

Et le Mardy dixhuictiesme iour dudict mois, dîner & coucher à Bourges en Berry, qui est vne belle, grãde, & forte ville, vniuersité & Arceuesché.

Pour ce iour

iiii. lieuës.

Et le Mercredy dixneufiesme iour dudict mois dîner à saint Ieu, qui est petit village, & coucher aux faulx bourgs de Dun le Roy, qui est vne belle & bonne ville.

Pour ce iour

vii. lieuës.

Et le Ieudy vingtiesme iour dudict mois dîner au pont de Chargé, qui ne sont que deux ou trois maisons, & coucher à Couleuures, qui est vn moyen village.

Pour ce iour

viii. lieuës.

Le Vendredy vingt-vniefme iour dudict mois de Decembre dîner à la Franchife, qui est vn petit village, & coucher à saint Menou, qui est vn petit village, & belle Abbaye de Religieuses, qui faict le cōmencement du pays & Duché de Bourbonnoys.

Pour ce iour

v. lieuës.

Et le Samedy vingt-deuxiefme iour dudict mois de Decembre dîner audict lieu de saint Menou, puis apres dîner le Roy alla passer par Sauigny, qui est vne belle petite ville, puis alla passer la Riuere d'Allies, qui est vne belle & grosse Riuere, portant bateau, qui descend des Montaignes d'Auuergne & va tomber en Loire au bec d'Allies pres Neuers. Le Roy passa icelle riuere par dessus vn pont de bois, faisant son entree à Moulins *L'entree du Roy à Moulins en Bourbonnoys.* en Bourbonnoys, qui est vne belle & bonne ville, & Chasteau.

Pour ce iour

iiii. lieuës.

Auquel lieu le Roy fait la feste de Noel, les festes des Roys, & de nostre Dame de la Chandeleur.

Auquel lieu fait assēbler Messieurs de Guyse & de Chastillon, Admiral de France, & la plus grand part des Princes & grands Seigneurs de son Royaume, avec les Presidens & Conseillers des Cours souueraines de Parlement de France, pour donner ordre aux affaires de sondit Royaume, Entre lesquelles voulut mettre fin aux differens qui estoient entre Messieurs de Guyse, & sieur de Chastillon, Admiral de France, pour raison de l'homicide commis en la personne de deffunct Monsieur de Guyse deuant Orleans, auquel different le Roy mist fin, & donna son arrest, le vingt-neufiefme iour de Ianuier, Et fait audict lieu plusieurs beaux Edicts, entre autres defendit à toutes personnes de porter armes à feu, Et audict lieu supprima de toutes sortes d'Estats & Offices, & sur le faict des Fināces & Reiglement de Iustice, Et supprima iusques à ceux de sa maison, dont il y en auoit qui n'en furent pas trop contens, le Roy dudict lieu de Moulins alla le

Samedy deux-iesme iour de Mars dîner à vne belle maison qui est au parc, à vne lieuë de la ville, auquel lieu la Royne feist faire vn beau festin, puis l'en retournerent coucher à Moulins.

Pour ce iour

ii. lieuës.

Et ayant sa maiesté faict toutes ces choses audict lieu, demoura malade enuiron quinze iours : Et ayant seiourné audict lieu trois mois, partit pour faire le voyage à lentour de la limaigne d'Auuergne, le Samedy vingt-troisiesme iour de Mars, mil cinq cens soixante six, apres dîner, & alla coucher à Bessé, qui est vn petit village.

Pour ce iour

iii. lieuës.

Et le Dimanche vingt-quatriesme iour dudict mois, dîner audict lieu, & coucher à Varennes, qui est vne petite ville.

Pour ce iour

iii. lieuës.

Et le Lundy vingt-cinquiesme iour dudict mois, qui estoit le iour de la feste de nostre Dame de Mars, tout le iour audict lieu, puis le Mardy vingt-sixiesme iour dudict mois, dîner à Saint Germain de la Fosse, qui est vn beau village & beau Chasteau, par le pied duquel passe la Riuiere d'Allies. Apres que le Roy eut dîné audict lieu, il partit pour aller faire son entree à Vichy, qui est vne petite ville, & alla coucher dedans vne petite Abbaye, qui estoit hors la ville.

Pour ce iour

v. lieuës.

Et le Mercredy vingt-septiesme iour dudict mois de Mars, le Roy partit de ce lieu au matin, pour aller passer ladicte ville de Vichy, au fortir d'icelle passa la Riuiere d'Allies, par dessus vn pont de bois qui est fort long & fascheux. Au fortir d'iceluy le Roy entra au pays de la Lymaigne d'Auuergne, qui est vne fort belle vallee, de bien quinze ou seize lieuës de lōg, & trois de large par le milieu de laquelle passa la Riuiere d'Alliés, qui descend des montaignes dudict pays, & va tōber pres Neuers au bec d'Allies. Aux deux costez d'icelle vallee y a de fort belles montaiges, ausquelles y a grand abondance de bestial, entre lesquelles y a des brebis qui ont la laine pendante iusques en terre, & sur icelles montaignes ya de fort belles vignes, & des blez, qu'il faict bon voir.

Ledict iour que dessus le Roy alla disner à saint Priet de Bramefan, qui est vn pauvre village, puis apres disner ledict Seigneur alla faire son entree, & coucher à Maringues, qui est vne belle petite ville dudict pays de ce costé là.

Pour ce iour

v. lieuës.

Et le Ieudy vint-huictiesme iour dudit mois, ledict Seigneur partit de Maringue, pour aller passer vne belle plaine, Et alla disner au pont du Chasteau, qui est vne belle petite ville & Chasteau, qui appartient au Sieur de Curton, auquel lieu ledict Seignr feit son entree, puis apres disner alla passer la riuiere d'Alliés par dessus vn pont de bois, pour aller coucher à Duffet, qui est vn petit Chasteau dās vn bois, qui appartient à la Royne.

Pour ce iour

v. lieuës.

Et le Vendredy vingt-neufiesme iour dudict mois disner audict lieu, & apres disner ledict Seigneur alla passer par vn petit chemin qui expressement fut fait, qui estoit fort falcheux. Car il estoit sur le bord d'une Riuiere. Et pour faire ledict chemin, fut coupee vne mōtaine fort haulte, puis alla passer par plusieurs montaignes, pour aller faire son entree & coucher à Villeconte, qui est vne belle petite ville & beau Chasteau, qui appartient à la Royne.

Pour ce iour

ii. lieuës.

Et le Samedy trentiesme iour dudict mois de Mars, dîner audict lieu, puis apres dîner ledict Seigneur alla passer la riuere d'Alliés par dessus vn pont, qui fut expressement faict de batteaux, pour passer le Roy & son train. Et continuant son chemin, alla passer & faire son entree en passant à saint Amand, qui est vne belle & bõne ville, puis alla ledict iour coucher à saint Saturnin, qui est vne petite ville & Chasteau, située sur vne haulte montaigne & rocher, qui appartient à la Roynie. Et par dela iceluy lieu y a de fort grandes & haultes montaignes, que lon appelle les Monts dorez, sur lesquelles y a en tout temps de la neige.

Pour ce iour

ii. lieuës.

Et le dimanche dernier iour de Mars, dîner audit lieu, puis apres dîner ledict Sieur Roy alla passer par dessus le bord d'un grand Lac, de fort grande estendue, auquel y a grande abondance de beau & bon poisson, & principalement des plus belles & meilleures Bresmes que lon peult veoir. Et cedict iour le Roy alla coucher à Clermont en Auvergne, qui est vne belle & bonne ville, Euesché.

Pour ce iour

iii. lieuës.

Par dela icelle ville de Clermont y a vne haulte montaigne que lon appelle le puy du Dofme, sur icelle montaigne y a vn grand gouffre, duquel il fort ordinairement vne grand fouldre de grelle & tōnerre, qui gaste les bledz des valles.

Puis le Lundy premier iour d'Auril ensuyuant ledict seigneur Roy seiourna audict lieu de Clermont, pendant lequel iour alla prēdre plaisir à veoir *La fontaine qui faict le Rocher*. vne Fontaine, qui est hors ladicte ville, de laquelle l'eau d'icelle faict le Rocher, & en a desia tant faict qu'elle a faict vn pont, par dessoubs lequel passe vne Riuere, qui est vne chose fort estrange à veoir.

Et le Mardy deuxiesme iour dudict mois le Roy partit de Clermôt pour aller faire son entree & dîner à Môtterrhand, *L'entree du Roy a Montferrant.* qui est vne belle & bonne ville, dans laquelle ceulx d'icelle donnerent plaisir au Roy à l'issue de son dîner, deuât la porte de son logis, de grand nombre de fort belles filles, qui danserent triumpamment. Et *La fontaine qui faict la poix.* pres icelle ville de Montferrant y a vne fontaine qui faict la poix aussi naturelle que lon en peult veoir.

Après tous ces plaisirs le Roy monta à cheual pour aller faire son entree & coucher à Clermont, qui fut fort belle.

Pour ce iour

i. lieuë.

Et le Mercredy troisieme iour dudict mois d'Auril le Roy partir de Clermont pour aller passer par dedans Rion, qui est vne belle & bonne ville ; en laquelle le Roy ne fait point d'entree, Et alla dîner à saint Bonnet, qui est vn pauvre village, puis après dîner alla faire son entree & coucher à Aigueperse, qui est vne belle & longue ville, qui appartient audit sieur de Montpensier.

Pour ce iour

v. lieuës.

Et le Jeudy quatrieme iour dudict mois d'Auril le Roy alla passer la riuere d'Eziolle par dessus vn pont de bois, entrant à Ebrusle, qui est vne belle petite ville, & belle abbaye de Religieux, en laquelle le Roy dîna, & en ce mesme lieu ledict Sieur sortit d'Auvergne pour entrer en Bourbonnois, & dîna audit lieu d'Ebrusle, puis après dîner alla faire son entree & coucher à Chantelle le Chasteau, qui est vne petite ville, & beau & fort Chasteau, que le feu Duc de Bourbon fit faire.

Pour ce iour

vi. lieuës.

Et le Vêdredy cinquiesme iour dudict mois, le Roy partit de Chantelle, pour aller dîner à la Coue, qui ne sont que deux ou trois maisons, puis alla coucher à Serre qui n'est que vn petit Chasteau pres Montmarault, qui est vne belle petite ville.

Pour ce iour

iiii. lieuës.

Et le Samedy sixiesme iour dudict mois, dîner à Brés, qui est vn pauvre village, & coucher à Cofne en Bourbonnois, qui est vn beau village.

Pour ce iour

iiii. lieuës.

Et le Dimanche septiesme iour dudict mois d'Auril, qui estoit le iour de Pasques flories, tout le iour audict lieu, puis le Lundy huictiesme iour dudict mois ledict Seigneur alla dîner à Tenoille, qui est vn pauvre village, & coucher à Torfy, qui est vn beau village.

Pour ce iour

vi. lieuës.

Et le Mardy neufiesme iour dudict mois dîner à Groufobre, qui est vn beau & fort Chasteau, & coucher à la Guyarche au pays de Nyuernois, qui est vn beau & grand village, & beau Chasteau, qui appartient au Duc de Neuers.

Pour ce iour

vi. lieuës.

Et le Mercredy dixiesme iour dudit mois, dîner à Aubigny, qui est vn beau village & Chasteau, puis apres dîner le Roy alla passer la riuere de Loire par dessus les pontz de la Charité, en faisant son entree en ladicte ville, qui est vne belle & bonne ville.

Pour ce iour

v. lieuës.

Auquel lieu le Roy seiourna cinq jours, pour faire la feste de Pasques, puis en partit le Mardy seixiesme iour d'Auril, pour aller dîner à Nerfy, qui est vn petit village, & coucher à Douzy le pré, qui est vne belle petite ville, ou le Roy fait son entree.

Pour ce iour

v. lieuës.

Et le Mercredy dixseptiesme iour dudict mois, le Roy alla faire son entree & dîner à Entrain, qui est vne belle & bonne ville, qui est entouree de fort beaux & grandz estangz : puis apres dîner ledict Seigneur alla coucher à la Pesseliere, qui est vn beau petit Chasteau.

Pour ce iour

vi. lieuës.

Et le Ieudy dixhuictiesme iour dudict mois dîner à Auoynes, qui est vn beau village, puis apres dîner ledict Seigneur alla passer vn beau païs de Campaigne, pour aller faire son entree, & coucher à Auxerre, qui est vne belle, bonne, grande, & forte ville, au pays de Bourgongne, laquelle est entouree de belles vignes, Et par icelle passe la riuiera de Yonne, qui va tumber en Seine.

Pour ce iour

vii. lieuës.

Et le Vendredy dixneufiesme iour dudict mois, ledict Seigneur partit d'Auxerre, pour aller dîner à Regêt, qui est vn beau Chasteau, qui deppend de leuesché d'Auxerre, Puis apres dîner alla passer la riuiera de Yonne, par

deffus les pontz de Luigny, en faifant fon entree en ladicte ville, qui eft belle & bonne ville.

Pour ce iour

vi. lieuës.

Et le Samedy vingtiesme iour dudict mois difner à Remeau, qui eft vn pauvre village, Puis apres difner ledict Seigneur fait en paffant fon entree à Ville-neufue le Roy, qui eft vne bonne ville, puis alla coucher à Sens, qui eft vne grand ville, Arceuefché.

Pour ce iour

vii. lieuës.

Et le Dimanche vingt & vniesme iour dudict mois d'Auril, qui estoit le jour de Quafimodo, tout le iour audict lieu de Sens.

Et le Lundy vingt deuxiesme iour dudict mois au partir de Sens, le Roy alla difner à Sergines, qui eft vn grãd village enclos de fort grans fossez, puis apres difner le Roy alla faire fon entree & coucher à Brais fur Seine, qui eft vne belle & bonne petite ville, qui appartient au Duc de Nemours.

Pour ce iour

vi. lieuës.

Et le Mardy vingt-troisiesme iour dudict mois au fortir de Brais, ledict Seigneur Roy passa la riuere de Seine, par deffus les pontz dudict lieu, pour sortir du pays de Champaigne, & entrer en Brye, Et alla difner à Mont-montoys, qui eft vn grand village, encloz de grandz Fossez, Puis apres difner ledict Seigneur alla coucher à Nangy, qui eft vn bon village & beau Chasteau.

Pour ce iour

v. lieuës.

Et le Mercredy vingt-quatriefme iour dudict mois d'Auril ledict Seigneur Roy alla dîner à Toquin, qui est vn beau village, & coucher à Monceaux qui est vn fort beau Chasteau, qui appartient à la Royne.

Pour ce iour

xi. lieuës.

Auquel lieu le Roy feiourna cinq iours, puis en partit le Mardy dernier iour d'Auril, pour aller dîner à Buffy saint George, qui est vn petit village, puis apres dîner ledict Seigneur Roy alla passer la Riuere de Marne par dessus les pontz de Saint Mor des fossez, pour aller coucher audit lieu de Saint Mor, qui est vn petit village, & beau petit Chasteau, comme il est dit au commencement dudict voyage.

Pour ce iour

x. lieuës.

Et le Mercredy premier iour de May audict an, mil cinq cens soixâte six, ledict Seigneur partit de saint Mor pour aller dîner au logis de Madame du Peron, qui est vn beau petit logis aux faulxbourgs saint Honoré léz Paris.

Ici est la fin dudict Voyage.

Honesti bonis viris, non occulta quæruntur.